

乾隆淮安府志

淮安府志山川敘

語有之疆域隨時變移山川亘古不易斯言良未信然而在淮郡爲尤甚考淮屬六邑無山僅有山陽之鉢池不過土阜與清河之老子山今浸入洪澤湖中而川則四瀆而兼其三自吳開邗溝通江淮而入淮之末口在今山陽境大河在禹貢時由碣石入海者今且南徙二千里合淮從安東雲梯關入海河之爲患淮郡什居八九至藪澤之變遷尤不可勝數山陽湖在魏曹丕時爲大澤數千戰艘經行其中至晉義熙中立爲郡縣洪澤湖爲古淮浦縣及富陵縣之地

至明季泗州又陷入其中淼茫幾與洞庭湖等而碩
項湖亦傳自秦時始陷此皆淮郡之灼然可見者蓋
嘗綜其地勢論之他郡之水道皆由天設而淮安則
大半由於人事自黃淮合流時或決潰或以數十百
里之大澤一漫而爲平陸或以數十百里之間井田
舍一決而爲汪洋加以近時出數百萬帑金講求河
工水利或深挑廢堰以蓄水勢通舟楫或開通引河
以洩水怒防溢漲或另闢運道以避風濤之險資灌
漑之利故百年而一變數十年而一變豈非地勢爲
之有不得不然者哉夫不考從古之河形則歷代之

事蹟不顯不考今日改易之始則河患之變遷與一切修防開濬聖君賢相防維鞏固之苦心亦無由表見是皆修地志者所宜有事也志山川第四

淮安府志卷之四

山川

山陽縣

附郭

鉢池山 治西北十五里岡阜盤旋形如鉢孟相傳周靈王太子晉煉丹於此唐杜光庭洞天福地記載鉢池七十二福地之一

萬松山 在漕院署內東南隅漕使顧公公餘所築高二丈有奇上建草亭四圍環植松樹鬱蔥可觀制軍尹公作記

金牛岡 治西北十里山勢如牛周顯德五年世宗親

征南唐曾宿兵於此

薄甸岡 治東十二里

護城岡 城外東南數十步

黃河 四瀆之一源遠不具紀在治內則自白洋河界

入桃源縣至清河縣合于淮經山陽縣清江浦東北

抵安東縣阜甯縣由雲梯關入海凡經治內五縣共

四百餘里治詳河防志

按舊蹟自桃源三義鎮入口由毛家溝抵清河縣後謂之

大河口會淮流過漁溝達安東縣入海謂之老黃河

嘉靖初年三義口塞南從清河縣前與淮合謂之小

清口經淮安新城北達安東萬歷四年開

草灣河成河漸北徙始免逼城之患矣

淮河 四瀆之一源自桐柏山經光毫諸州合汝潁濠

泗諸水匯爲洪澤至清口會黃河分運河入海凡經

治內桃源清河山陽安東阜甯五縣治詳河防志

運河 北運河自桃源縣古城至清河縣後楊家莊入

黃河 南運河起清口通濟閘分淮水入山陽縣清

江浦經郡城南至揚州達於江爲吳邗溝隋山陽瀆

明平江伯陳瑄之所導也詳河防水利志

涇河 治南五十里河口有閘分泄運河水兼溉民田

水入射陽湖建牯原委啓閉利害詳水利志

濶河 治東門外卽古菊花溝上洩三城瀦水下通濱

海舟楫起興文閘至流均溝歸射陽湖入海疏濬事

宜詳水利志

水利開鹽河

本名故沙河
今名烏沙河

起開口分運河水運鹽由漁

濱河入馬家蕩

護城河

在治西分淮水自文華寺徑楊家廟達白馬

湖近請永閉不開

羅柳河

治西北隅詳水利志

寶帶河

在城南形如帶三折起自興文牖承運河之

水至吳方轉北行又西北轉東抵龍光閣下過韓家

橋至聯城東門外入澗河

草子河

舊承周家閘及洋信港之水入白馬湖閘廢

港淤康熙四十年奉

旨將塘埂六壩改爲三壩於壩下草子河唐曹河開爲引水河以資宣泄異漲

唐曹河 與草子河相近說見前

汊河 治西南八十里古名柘塘其西二十里通高良澗又一小河東北通山查蕩又南通草子河故名汊河

永濟河 治南十里一名新河明萬歷中開以通漕故城河 治東南五十里卽古壽河也上接黃浦澗河之水入射陽湖

草灣河 治西北二十里黃河故道由城北西橋地方
嘉靖三十年間河忽衝開草灣未幾自塞萬歷初兵
備副使舒應龍復開此河六十里至赤晏廟仍歸正
河入海

草灣 在郡新城東北二十里離清江浦東南十三里
人烟聚集柴艘聚屯鹽船從此過壩遂名此地爲新
草灣前者爲舊草灣

涵洞河 運河東岸引運河水灌溉田畝從溪河入射
陽湖

劉家河 治西北

北溪河 上承各涵洞之水匯於此河過高壩橋七孔橋入射陽湖

南溪河 卽黃浦溪在涇河開南十里

魚變河 郡東北五十里俗訛魚濱河

范公河 清江浦古河在磨盤口宋乾道時所開其迹漸堙明季船政同知范鳴珂循故迹浚之土人因以

名河

老鵲河 在郡西七十里詳古蹟志

桃花河

顏家河 在黃河北山陽安東接界處

陳家河 以下俱在治東南入射陽湖

樊家河

崔家河

戚家河

陶家河

施家河

後施家河 以上俱有故迹

朱家河

胡家河

徐家河

侯家河

侍家河

塔兒頭河 以上俱堙塞

洪澤湖 治西南九十里界治內山陽清河桃源三縣
當淮水下流左右有數十湖匯爲一統名曰洪澤其
東南逼淮揚兩郡全恃高堰以爲隄防詳河防水利
志

山子湖 舊有邱家湖因鉢池山積水不洩遂成山子
湖

射陽湖 治東南七十里山陽鹽城阜甯三縣分湖爲

界濶約三十里周迴約三百里自故晉口至喻口白

沙入海詳水利志

按前漢書廣陵王胥子南利侯寶有罪其相勝之奏奪王射陂草田

此卽

管家湖

在城西望雲門外又謂西湖嘉定志云卽仁

濟橋之北湖

按宋嘉定間安撫應純之築斗門蓄水以阻敵無事則於此教習舟師者也

徐家湖

在清江浦南卽古南湖

白馬湖

治南六十五里南河志略云去寶應北十五

里與山陽接境

黃浦

治南六十里東南至故晉口入射陽湖西達三

角村入雙溝

白水塘 治南九十五里古射陂也濶三十里發源盱

眙縣塘山岡阜重叠谿澗縈紆至劉家渡入富陵河

按昔鄧艾於此築堰屯田積穀以制吳
迨劉宋元嘉末決水灌魏軍卽此處也

高良澗 治西南九十里其水本入於淮明萬歷中置

插洩淮水東注寶應諸湖

蓼澗 治西南六十五里東連天井蕩西入青洲澗

唐家澗 治西南

青洲澗 治西南七十里東入白馬湖西入高良澗

建義港 治東北八十里東南流通濟溝入射陽湖北

入於淮

洋信港 在治西南隆慶間前有小河一道從官路以

達於泗百餘里資灌溉郵驛夫馬所省甚多且洩西

湖諸潑水自挑永濟河湖水中隔港遂堙淤

馬邏港 治東北九十里通淮鹽運今黃淮合流經此

乃成大河

宋理宗紹定三年李全作亂開馬邏港引淮船入射陽湖元至正二十六年徐達常

遇春攻淮安遣康茂才搃馬邏港克其水寨卽此

三洲 在山陽灣對岸有上洲中洲下洲詩淮有三洲

蘆浦港 治東北百二十里東南入射陽湖西入淮

棠梨涇 在淮陰廢縣東九十五里唐長慶初開

溫山溝 治西南運河西

通濟溝 治東北六十里東經馬邏港入射陽湖西自

橫溝入淮

畢家溝 治西南五十里

古溝 近月城南二十里周家橋往盱眙路

頭二三井下水溝 在治西北

楊家溝 治北五里今溝迹僅存

新挑溝 與楊家溝接

雙溝 去治南七十里

蛻龍潭 詳古蹟

晉渡口

大倉浦

田院浦

宥城浦

邵農浦

東作浦

荊口浦

澗河
出此

官渡浦

顧家浦

郭鈴溝

今存

蛇風溝

今存

三家浦

左家浦

漁濱浦

登泔浦

以上諸溝浦皆豬泄引水以溉田者歲久淤塞弗相通濟其可行舟者馬邏港耳其水小則舟楫不通居民胥病蓋地廣治通土民自情耳時加濬鑿利莫大焉

公路浦

舊志云卽淮口清江浦也按浦疑當在淮陰故縣詳古蹟中

馮家蕩

府城東北新城東南周道三里

以上或有舊跡或久湮淤因舊

志所載備錄其名

鹽城縣

沙岡 在治西北鹽邑境內無山惟有沙岡一帶南抵岡門鎮北距海延接阜甯通起遙伏五六十里
鐵柱岡 治北二里相傳海岸上秦皇繫馬柱也蛟龍畏鐵作此鎮之

東岡 由縣治北門接阜甯

西岡 由董家橋直北從楊發神廟至絞口岡通朦朧北與阜甯相接

范公堤 卽捍海堤堤在鹽城東二里

隱山墩 縣治西一百二十里

望夫臺 縣治西八十里

龍墩 縣治西五十里九曲河西岸

硯臺墩 縣治西七十里

姜神臺 縣治西一百里

天妃口 治北門外二里入新洋港

石碇口 治東門外一里入新洋港

草堰口 治北七十五里今移劉端浦

上岡口 治北四十五里

大海口 在縣治東自海浦東北出洋五十里乃元人

海運故道也

小海 在縣治西兩灘蒲葦中流行舟源出通泰夏泛

冬落西北入東塘河達射湖入海

新官河 治西七十五里其水由大蹤湖東北流經天

妃口至新洋港入海

東鹽河 治西四十五里其水由新河廟分流東南二

十餘里由岡門西入新河

西鹽河 治西北八十里其水由西塘河黃土溝入口

東流至新河廟轉北入東塘河

按西鹽河爲東塘河之上流二河久淤乾

隆四年估浚時并入東塘河題奏是以各衙門檔案無西鹽河之名

西官河 治西南五十里其水接湛溝河合流於東官

河

東官河 治西南六十里其水南接興化西接界河合

西官河至涇口入新河

西界河 治西南一百里與興化縣分中流爲界其水

自溪河入大蹤湖

東界河 治西南八十里與興化縣分中流爲界其水

自大蹤湖東流入海

西塘河 治西北九十里源自大蹤湖北流經官鹽二

河

東塘河 治西北五十里亦自大蹤湖北來

新運河 治西南二十里水自通泰北流經五佑場西

北下舊運河注東塘河入射陽

北橫塘河 治西八十里其水由西塘河東流三十餘里至古王庄入新河

南橫塘河 治西南五十里其水南接大蹤湖界河各水西北分流入新河東入西官河

岡溝河 治西南五十里其水由界河入口至岡門東南入新河

南穿場河 治東南二里其水自泰州海安壩至劉庄場入鹽境由石碇關入新洋港出海

北穿塲河 治西北三里其水由汭河分支經新興塲
上岡鎮復繞范公堤東北流七十里至阜甯縣入射
陽湖出海

白鹽河 治西南五十里其水由界河入口西接堤河
東北流至黃家巷入南穿塲河

封子河 治西北三十里由東鹽河入皮大河

汭河 治北門外三里自通泰北經鹽河東塘過侍其
汭入射陽湖

蘆溝河 治西北六十里自東西二塘流入北經侍其
汭入射陽湖

新陽河 治西一百十里自大蹤湖達射陽

九曲河 治西五十里傍有龍墩水自馬鞍湖西北東

塘入海

紀家港河 治東南

壕河 在縣治城外

射陽湖 已見前

大蹤湖 治西南八十里匯江泰高興諸湖之水由新

官河經天妃口入新洋港下海

馬鞍湖 治西三十里北入侍其汊達射陽湖

新洋港 治北門外三里出天妃口達海洋

馬家港 治西五里自舊運河北流入轉東過運河達
侍其汊經射陽入海

院道港 治西北七十五里其水由東塘河東北流至

草堰口下北穿場河

按此港與廖家港俱久淤乾隆五年開濬後改廖家港爲上岡

河院道港
爲草堰河

廖家港 治西北六十里

走馬溝 治西北九十里

流均溝 治西北一百四十里

蘆子蕩 治西南二十里岡溝東岸

官蕩 治西南九十里

牛耳蕩 在小阜庄西

雁兒蕩 治西南三十里

養魚蕩 治西北八十里

蕭家蕩 治西北七十里

鶴絲蕩 治西南七十里

羅漢蕩 在縣治南

觀音蕩 治西北三十里

縮頭蕩 治西南九十里

馬家蕩 治西北一百里山寶鹽三邑分界

火盆蕩 治西一百里

阜寧縣

綠楊岡

潘家岡 以上俱在北沙之南迤邐到灣復跨射陽湖
分爲二支上渡地脉甚高

濶沙岡 在射陽湖南自喻口起蜿蜒綿亘直抵鹽城
又名大沙岡近喻口多沙堆

文峰 在縣治南峰上有塔

海墻 在湖南高七尺許西南抵拖犁溝東北接范公
堤民竈之壤於此分界

射陽湖 在縣城北詳見前

上下舊河水 自西南環曲至縣治真武廟前左轉而南所謂廟子灣是也自新河從新豐開直遂目爲舊河

黃河 距縣四十餘里詳見前

運鹽河 南通射陽湖北達賀家港入淮鹽艘利運今多淤塞

界溝河 自運鹽河北行至豐賜墩分歧西去有界溝河今雖淤故道尚存

陶家河 天賜塲北由此過辛家蕩歷坎入洋通海
郭墅河 西北入射陽湖

曹溝河 治西北入射陽湖

章家窪河 治西北

民便河 治西達小沙河

橫溝河 治東北入射陽湖

放生河 治東北入射陽湖

九竈河 治東北

丹溝河 治東南

漁深河 治南

民命河 治西北入射陽湖

大沙河

小沙河 以上二河俱在縣西隔湖爲喻口北入新溝
水漲則橫溢四出

東塘河 在縣西南中有汭河爲院道港

飲馬河 在北羊寨今淤

蔡家河 在匣子港中與戴家河相連

梁子河 在縣西北西接界溝南出口爲沙河

廟子灣 灣南有真武廟建自明時景泰間來往舟船
指廟爲表諸凡停泊裝卸者遂以名灣云

崔家灣 在上渡湖南三里距濶沙岡五里

南沙灣 北沙灣 皆以沙岡得名

姜家灣 許家灣 俱在喻口南

桃花灣 在藤廬北昔人多種桃花客船因以名灣

丁家灣 自東塘河入可達院道港

馬耳溝 在縣西桃花灣

謝家溝 在巡檢司東

桑園溝 在縣治西

獐溝 在縣東北三十里爲入海孔道通南北洋

大新港 爲海口要汛設有營房今廢昔海禁時曾議

於此築城云

浦子港 在湖南四十餘里其南爲新興塲竈地達匣

子港東會廖家港入海嘉靖三十八年倭據廟灣日久副使劉景韶督兵填壕塹令載葦焚其舟進兵搗巢追至匣子港斬獲頗多餘衆乘風遁去是匣子港爲入海要道

院道港 奉院道開濬故名自東塘河丁家灣入

盤汊港 在院道港東

當尖港 在治西六十里

堆蝦港 在治東九十里

野朝洋 洋屬籠地產魚鹽葦荻設有河蕩營採薪助

工兼查往來船隻

雙洋港 在治北一百二十里

顧家塚 卽今城內關帝廟觀音閣基址

二十二層 在雙洋新溝頭東行出海自頭層歷數有
二十餘層皆斥鹵煎鹽之洲其港可漁竈資生業

大海口 在縣東上流各水俱由此以達海北與安東
縣相接其海口洩黃淮二河之水南與鹽城縣相接
其海口洩下河各州縣並上流各湖之水蓋海爲衆
水所歸亦朝宗之義也

清河縣

老子山 治東南一百里世傳老子煉丹於此山西有

仙人洞深二丈許下臨淮水四壁如削

按舊志云山勢自嵩高疑

蛇而來未

知確否

霍山 在老子山南跨盱眙清河之間

按此山爲清河南界

泰山墩 治東去馬頭鎮二里許卽漂母塚後人因墩

下有東嶽祠故名爲泰山墩

三台墩 墩爲一邑之鎮治坐中墩左右輔以二墩

白鶴墩 治西北八十里相傳有二仙至此騎鶴飛去

白馬墩 治西四里

白麻墩 治東北七里

鳳凰墩 在老子山東嶽祠北

鹽龐墩 在老子山

黃河 詳見前

淮河 詳見前

中河卽今運河自宿遷駱馬湖引清水歷桃源清河治北由

楊家庄入河康熙二十六年總河靳輔開以行漕避

黃河之險

大小清河 二河卽泗水之末流源出泰安府經徐邳至縣西北三汊口分流一由治東北入淮爲大清河

今久淤塞一由治東南入淮爲小清河卽今河道但舊以泗流清於淮故名清河宏治初黃河入小清河其水遂濁至今猶名清口

新河 治西北四十五里自黃家嘴經魚溝娘子莊永興集北達于安東入海萬歷年間爲分黃而開今淤永濟河 已見前

沐河 此沐水之支流南尾縣治北境入爬泥蕩東通漣河者今淤

大塘河 在治西北上自駱馬湖南通劉老澗由桃源縣經清河安東分爲南北兩股入海

崇河 其源西接宿遷經縣治崇河集南會沐河東通
運河者今淤

護城河 在縣治南

營河 治東北十里胡賢口北其左右皆軍營田故名
康熙十年河決七里溝三汊下涉沙潑漕艘回空者
由新河入營河南經半邊店出西營溯於淮卽此

鹽河 自楊家庄分中河之水由王家營北穿大路達
安東入海州之五丈河下海以洩運河異漲及王營
減壩之水兼濟鹽柴重運

便民河 已見水利

引河 自河南帥家莊逶北開小河一道引淮水注河
以絕黃水內灌者

刁秋湖 治東南

南湖 卽富陵洪澤之水與淮河匯合者

富陵湖 在洪澤鎮西其源出盱眙塘山山下岡阜重
疊谿澗縈紆凡四十里水自高而下至劉家渡入於
淮

包家河 已見水利便民河注內

學城古河

三角湖 治西北八里四圍高阜積雨水泛則開注於

大清河

費家湖

治西南四里常漲於淮水涸則耕種

張家湖

治北三十里周圍五里通泗河

四鋪湖

治東北三十里周圍十五里入淮

五昌湖

治東北二十里周圍十里入楊家澗

楊家澗溝

治北四十里達於淮本河也元末用兵於

高郵開以濟運今湮爲溝

三里溝

治東南三里入淮置牐通運

泗溝

治東八里或作泗口晉時其地爲重鎮

驛路洩水溝

安東縣

鷄鵝山 治北三十里在金城西南土阜形如曲膝世

傳金輪王養鷄鵝於此故名徑四百三十七步高二

丈三尺餘

按安東縣志鷄鵝山後又載三山云一在

一在治西黃河水底有漣水三山不見天之語又云漁人時網得石其狀玲瓏可玩則是水底有石俱可言山其說荒誕不經故削之

狀元墩 治東七里大河北岸知縣劉君聘築

鳳凰墩 治北十五里在中漣河西昔有鳳凰棲此

虎兒墩 治東十五里在中漣河北

火墩 治北二十里在石墟莊東

畢家墩 治北十里在中漣河東

東神墩 治東北十里在流尸溝東

西神墩 治西三里在小塔東北

北神墩 治東北五十里在小飛莊東

花子墩 治東五里今淮水衝廢爲河

喬家墩 治西北二十里

竹墩 治東北四十里在賀家塚西

四角墩 治東北四十里在谷野莊東

八角墩 治東南四十五里在官河西又名掛甲墩

石灰墩 治北七十里

三岔墩 治西北四十里在王家溝東

分離墩 治北十里

黃泥墩

治東北二十里在五丈河北

按舊志云以上諸墩據精曉堪輿者云龍自馬陵山起祖亥氣轉艮支分伊盧二

山鍾氣發脉一路至安東黃河邊止故多墩耳

黃河 去治南一百二十五步詳見前

淮河 去治南百餘步詳見前

中河

即鹽河

治北十里自楊家廟北鹽河開分運河之水

又洩王家營減壩水經平旺河轉達海州五丈河入

海

六塘河 詳見前

民便河 治北門水關門外

堯濱河 治北通鹽河中河

西河 治西二十里自鮑家營分口由碩項湖直達海

州五丈河入海

響水河 治西一里水流有聲相傳卧佛剖腹洗滌臟

腑於此今淤

東澳河 治東一里由水關入南達章化寺西北通市

河宋爲東城壕元爲水門橋

西澳河 在碧霞宮東亦由水關入經天寧橋北折而

西過三皇廟前能仁寺後向南抵舊西門

中澳河 亦由水關入經太平橋達化龍橋南抵大街
鹽壩

中漣河 東漣河 西漣河 中漣在治北三里北通
官河南通市河下流三里爲東漣上流三十里爲西
漣源自西北大湖來東南入淮

官河 治北三十里源自西漣來南通中漣東流散入
於遏蠻等河入淮北通海州諸鹽場萬歷四十五年
鹽商陳金挑濬行舟

十字河 治東三十里南接東漣北通大飛
夏口河 治東北三十五里西自官河東入大飛

朱家莊河 治東北四十五里西北官河東大飛

大坊河 治西二十里西接青河澗東通支家河

蔡家河 治東十里南接東漣北通黃沙蕩

平旺河 治東北八十里東通一帆河西接官河上洩

碩項湖水入遏蠻河下海

遏蠻河 治東北九十里西接官河過一帆河合七里

河團墟河由灌口入海

張網海口河 治東北一百五十里南接淮黃北流入

海

七里河 治東北一百十里西接官河東流合團墟河

入遏蠻河下海

團墟河 治東北一百十里西接七里河入遏蠻河下海

鹽場河 治東北一百里東連一帆河合平旺河西接官河

白洋河 治東北一百里西接官河東通一帆河入海
一帆河 治東北五十里南接東漣北至海州伊盧山
今沙

橋莊河 治東二十里南接東漣北通大飛
泔口河 治東二十里東通十字河西接橋莊河

五丈河 治北三十里東通七里河西接中漣河

砦河 治東北九十里

成子河 治西北十五里自古寨河流入今沙

古寨河 治西北七十里東通成子河西接西漣河

大汊河 小汊河 大汊去治西北五十里又三十里

至小汊北自沭陽桑墟湖流入漣河今淤

支家河 治西十五里北接成子河南通山陽縣新溝

達山陽河今淤

市河 治東百步餘卽城壕也自中漣入澳河今淤

港河 治北三十里北大湖南官河

五港口 治東北七十里當團墟河七里河邊蠻河官河五水會處

碩項湖 治西北一百二十里一名大湖西通沘陽縣桑墟湖東南各有小河達於淮袤四十里廣八十里東北屬海州西北屬沘陽縣南屬安東縣各得三分之一世傳秦時童謠云城門有血當陷沒有姆憂懼每旦往窺門者問知乃以血塗門姆見之卽走須臾大水城果陷姆走至伊萊山得免

傳湖 治東北六十里西大湖東官河

丁湖 治西北五十里今湮

飛湖 治東北六十里西官河東大飛湖今淤

漣水 自沐水分流南入縣境在沐陽者曰北漣水入

安東者曰南漣水

孫村浦 治西南十二里自支家河入浦又東注海

劉村浦 治東三十里北接東漣河南流入黃河

臧家浦 治東四十里西接東漣河南流入淮

界溝浦 治東四十五里西接臧家浦東流入淮

逢家浦 治東六十里西接一帆河東流入淮

欽溝浦 治東北七十里西接一帆河東流入淮

大飛浦 治東八十五里西連一帆河東流入淮

鄧溝浦

治東北一百里自十家溝流入

團墟蕩

治北八十里卽團墟張氏牧牛處

傳湖龍蕩

治西北八十里曾有瀦龍止此

龍潭

卽澳河

尤家蕩

桃源縣

女功山 在縣東南順治十六年自城西移娘娘廟建
於此遠近婦女以衣塊土助工頃積而成山高十數
丈

于家岡 治西北四十里

九里岡 治西北四十里

狀元墩 治東南半里許桃花盛開游人眺望一邑佳
景

青墩 治西南六十里在體仁集西

麒麟墩 治西四十五里

釣魚墩

治北十五里

歧路墩

治西四十里

繫馬墩

治西南三十里

蓮花墩

治西三十里舊在水中央歷年水衝沙漫而

此墩凸起獨不淤沒周廻有稜瓣形如蓮朶然

闢牛墩

治西八里

鳳凰墩

治西南六十里

打鼓墩

治西白洋河南

古顏墩

在治南岡陵集

思鄉壘

治西北八里岡阜隆起廣數里

黃河 治北門外詳見前

老黃河 治西六十里在白洋河一在龍窩今俱閉

運河 在黃河北又名中河已見前

古新河 治東北三十里萬歷二十四年分黃導淮開挑引河自三義鎮起由毛家溝達灌口入海後閉

六塘河 治北三十里駱馬湖水發兩岸民田歷年受害乾隆八年發帑修築子堰每多冲決乾隆十二年又加高厚嗣後官民保護而水患可免矣

港河 自河頭集分洩六塘河之水由沐陽入海州之漣河乾隆十二年新開

張家莊洩水河 入六塘河

崔鎮引水河 入六塘河

姜家窪引水河 入六塘河

倪家蕩洩水河 入包家大河

九龍潭洩水河 達洪澤湖

房家湖洩水河

蔣溝洩水河 此二洩水河洩卜家湖長湖房家湖三

處之水入黃

崇河 治北四十里西接宿遷劉老澗東入安東漣河

相傳晉石崇所鑿今趙家堰石柱尙存

學城古河

小崇河 在河頭集水自宿遷灌入

程子河 治南七十里南至泗州北至陸家嘴

夾河 治北衆興集 欽工開

後河 治北二十里上通六塘河下通海口

白洋河 治西六十里上通汴河下達黃河人煙聚集

成鎮東屬桃源西屬宿遷

禿尾河 治北十五里

墩子河 治東北二十里

砂礪河 在川城北由駱馬湖水冲通下松樹張口經

沐陽至海

泗河 治北三百步卽徐邳泗州之下流

靈城湖 治北十五里相傳楚靈王臨幸於此

杜村湖 治東南三十里通倉基湖

倉基湖 治南七里積水四時不涸水溢通新河曲折

東流五里會丁家溝達河入淮

倉基湖 治西北三十五里又有小倉基湖

赤鯉湖 治北七十里老鶴亭東北通漣水入於河

大莊湖 治東南三十五里黃河餘流所匯也通丁家

溝入淮

邵家湖 治西南七里

西湖 治西五里

白馬湖 治東北三十里

谷莊湖 治西南四十里

馬牙湖 治西五十里

佃湖 治西南六十里相傳石崇所開以灌田者

王化湖 治西二十里

水晶湖 治東北四十里

柴林湖 治西二十里與王化湖相連

長湖 治西十五里

房家湖

治西二十里與長湖連中隔一埂

教場湖

治西北二里

安湖

治西七十里在馬牙湖北接歸仁南通洪澤夏

秋水漲河不能容乃泛溢於相家窰吉家湖一帶

卜家湖

治西南十里

鍋底湖

治西十里

龍溝

治北二十里

伍家溝

治西北二十里相傳伍子胥家溝

拖犁溝

治西北五十里相傳石崇原以拖犁者

蔣溝

治西十五里

五里溝 治南五里

三里溝 治西六十里濬溝者常得兵器正德時水冲
出石炮如斗大相傳靖難兵起小河口大戰此乃下
營處云

湯家溝 治北七十里湯福新所鑿南通淮河北距沐
陽東達漣水今壅塞

洩水官溝 治北三里通京大路

銅盆蕩 治東北七十里

黃家嘴 治東十五里

沙港嘴 治東南四十里

路家嘴

治北十五里

尤家嘴

治南四十里

史家蕩

淮安府志城池敘

在昔先王體國經野慮民之無與爲守也於是築城以衛民而又浚池以衛城雖在僻壤莫不有金湯之固矧其爲河海通津轉漕要地乎淮郡自秦漢以前地多沮洳郡治未立城郭建置在東晉末年嗣是南北分爭山陽遂爲重鎮齊梁之世且以淮楚爲極邊此齊高帝塞客吟所爲作也所轄諸縣分合不一城池興廢倏忽無常淮陰射陽昔之所謂名城封建諸侯者今則瓦礫不存廢爲榛莽桃源阜甯在昔止成邨聚今則崇墉屹如至清河一縣扼黃淮之衝處水陸之會宋元間嘗兩經

修築皆不次爲河水所敗故至今城垣頽壞溝塹平夷
黃土一邱望同邨墅雖國家承平百年不聞桴鼓郊關
之外無異城市然居安思危有備無患凡有廢墜無不
當及時舉行淮安三城次第修葺發帑僱募民不知擾
而大工立舉卽在下邑莫不爲瀕河瀕海之區所以控
制東南襟帶西北者皆于是乎在使無高城深池以壯
其形勢其何以堅守土者之心而紓廟堂東顧之憂乎
至街市邨鎮橋梁津渡亦莫不關於王政故以次脩列
各加詳考經緯錯互碁布星羅一開卷而閭郡之道里
阨塞秩然在目所謂不出戶庭而運一方于掌上者其

將以此爲龜鑑乎志城油第五

淮安府志卷之五

城池

街巷市井橋渡關閘壩堰坊鎮集邨坊表

淮安府城 山陽縣附郭

舊城周十一里東西徑五百二十五丈南北徑五百二十五丈高三十尺爲門五東曰觀風南曰迎遠西曰望雲北曰朝宗西門稍北舊有門曰清風元兵渡淮時守臣孫虎臣塞之今廢水門三一在北門稍西現今一在西門之南亦孫虎臣塞之今廢一在東南通行隅曰吳關無水通行今亦閉四門皆有子城城上大樓四座角樓三座窩鋪五十三座雉堞二千九百九

十六垛

秦漢以來淮安舊非郡治東則有射陽縣城西則有淮陰縣城中間相距幾百餘里初無城郭東晉安帝義熙中始分廣陵立山陽郡乃於此地築城

見宋史李大性

傳

金石錄有唐上元二年楚州修城記文苑英華有

唐大中十四年御史中丞李旬修楚州城南門鄭吉記皆今日郡治舊城也宋史李大性傳言郡守吳曦與都統劉超欲撤城移他所大性謂楚城實晉義熙間所築最堅奈何以脆薄易堅厚乎力持不可乃止宋孝宗時守臣陳敏重加修葺北使過淮見雉堞堅

新稱爲銀鑄城嘉定初復圯知楚州趙仲葺之九年
知楚州應純之填塞窪坎浚池洩水乃益堅完元至
正間江淮兵亂守臣因土城之舊稍加補築明初增
修然後包以甃甃周置樓櫓始成今制正德十三年
漕撫叢蘭檄知府薛璽重修嘉靖間知府劉崇文再
修潘中丞
頃有記隆慶間漕撫王宗沐建樓於西門子城上
額曰舉遠登以治漕自有
記萬曆三十三年倭亂邊海
戒嚴署府事推官曹于汴添設敵樓四座三十八年
西門城樓災知府姚鉉重建邱侍郎
度有記四十八年南門
燬於雷火知府宋統殷重建崇禎間漕撫朱大典遍

修三城

諸生楊時蕃有修三城賦

嗣後城樓日就傾圯

國朝康熙初漕院林起龍設費鳩工盡撤而新之城垣殘缺者悉修補堅固二十三年

乘輿南幸漕院邵甘率屬重建西門樓其東北二樓尙可修整惟南門樓燬二十八年漕院董訥捐資率屬重建嗣後漕院興永朝桑格屢加葺理歷今年久復多塌卸乾隆元年委員估計督撫題准發帑銀四千一百一十六兩零修理迨五年知縣沈光曾承修於六年六月完工以後隨有損壞卽時修補永無傾圯之虞矣乾隆九年知縣金秉祚於各門添建兵堡營房

三間共動公項銀一百三十兩零交城守營撥兵防守

舊設淮安衛守禦城池守門千百戶各一員門軍

二十名

新查淮安衛並無守門千百戶等官舊城四門聯城二門共撥門軍五十八名又撞

鐘樓一名共五十

九名與舊制少異

附錄

譙樓舊城中央漕院署前四十步臺高二丈五尺

上建高樓舊貯銅壺刻漏更籌十二辰二十四氣

牌界陰陽生居之原額曰譙樓後改曰南北樞機

今皆無瞰虹樓城東南隅角樓也下臨龍王廟閘

漕院蔡士英重建歷久又圯乾隆十二年重修

魁星閣在瞰虹樓稍南數十步高踞城上與城外
吳地龍光閣相應乃一郡文峰漕院蔡士英林起
龍重建邑人陸志謹楊雯捐資再修

以上三項皆在舊城與城

相關故附
記舊城後

新城在舊城北一里許高二丈八尺圍七里零二十
丈東西徑三百二十六丈南北徑三百三十四丈爲
門五東曰望洋西曰覽運南曰迎薰北曰拱極小北
門曰戴辰門各有樓惟小北門無東西有子城角樓
四南北水門二窩舖四十八座雉堞一千二百垛

新城卽古北辰鎮地西瞰運河東南接馬家蕩北俯

長淮元末張士誠將史文炳守淮安始築土城明洪武十年指揮時禹增築甃石則取之寶應永樂二十一年用工部言土城低薄令軍士增築門上建樓正德二年總兵郭鉉重建隆慶五年知府陳文燭重修萬曆二十三年倭警署府事推官曹于沐添設敵臺四座舊傳南門爲祭酒沈坤讀書處樓上有狀元樓匾爲邑人熊斗陽署書後各樓俱頽壞無一椽存城垣亦傾圯殆盡

國朝乾隆十一年督撫題准發帑銀二萬五千七百一十六兩零知縣金秉祚承修照舊制整理更加鞏固

并裏牆戣土加幫寬厚可垂永久

舊設大河衛守禦城池守門千百戶各一員門軍

二十名

新查大河衛並無守門千百戶等官新城五門並聯城天衛一門共撥門軍四十名

與舊制

少異

聯城在新舊二城之間俗呼夾城東長二百五十六

丈三尺起舊城東北隅接新城東南隅西長二百二

十五丈五尺起舊城西北隅接新城西南隅爲門四

東南曰天衢

通潤河路

東北曰阜城久塞西南曰平成

通運

河隄

西北亦曰天衢

通北關廂各處

東西水門四

今惟三門行舟初

高一丈四五尺有差後加高六七尺加厚四五尺樓

大小四座雉堞六百二十垛

二城之間舊爲運道所經如陸家池馬路池紙房頭等處皆糧船屯集之地明嘉靖三十九年倭寇犯境漕運都御史章煥疏請建造聯城自爲文以紀之初議築此城時知府范櫝力言其不便狀及工成舉宴櫝不往曰非吾意且他日淮難爲守計矣萬曆二十一年倭警屢聞鄉官胡效謨等議請加高巡撫尙書李戴疏請於朝始加高厚焉二十三年署府推官曹于沐添設敵臺四座嗣後日就傾圯

國朝乾隆九年督撫題准發帑銀六千八百六十二兩

零知縣金秉祚承修樓櫓雉堞煥然一新

舊設每門守禦官軍十名東城屬大河衛西城屬

淮安衛

附錄

護城岡起舊城外東南與方迤邐而北明隆慶間

漕撫王宗沐因地勢本高加築長隄護城以防黃

淮泛溢後漕撫朱大典建龍光閣於上以峙文峰

其門西向與乾方文通塔相應以迎運河長流最

得形勢

國朝順治中漕院蔡士英康熙中漕院林起龍皆嘗修

葺

蔡有碑記

年來頽敗已極瓦礫而已

後改門南向非

敵樓二一在舊城外東米巷南一在西湖嘴大隄
上四面皆有垛口中可藏兵五百人嘉靖中賊兵
犯境本府出兵無犄角之勢故建此樓南北遙峙
至隆慶中盡圯

護城石隄運河先受黃淮交灌河身日高增隄幾
埒城埤伏秋歲漲官民驚惶阻漕運渰田廬山鹽
高寶並罹災傷天啟三年知府宋祖舜議修石隄
以通漕運加築城西岸堤甃石必堅工作鞏固城
市得安堵無虞

以上三項皆在城外與
城有關故附記城後

濠河

三城舊濠年久湮淤萬曆四十八年知府宋統殷特請周圍重加挑濬除舊城北角樓起至南角樓止一帶逼近運河新城外東壩起至禮字壩止一帶逼近黃河各原無濠外自南角樓起過小弔橋東角樓春亭後東聯城東仁橋至東壩抵黃河隄止自禮字壩起由西聯城水關至北角樓止接連相通共長二千四百四十二丈五尺濶四丈底濶一丈五尺深一丈二尺共設弔橋三座

舊志言城西北之濠自禮字壩起由西聯城水關至鐘樓角柳

欄止似從聯城外行不及新城南門也張檢討山陽縣志言自禮字壩起直進聯城水門東過新城南門抵東南隅又南抵舊城鐘樓角止似在聯城內行且添新城南門一路丈尺必有不同舊志本

於實錄備考張志必別有所考非但據今日現行河道而言也備考存二說以俟參定

淮安在明洪永以前北枕黃西憑湖運河自南而東而北行於二城之間故黃湖運皆城濠也自運道改由城西而城東北無濠自聯城築而二城之間無濠自黃河北徙而新城以北無濠故萬曆間始重開濬今遺迹具在惟淺涸過半不稱濠名耳

按黃河之徙在萬曆四十八年以前濬濠時新城北已無黃河何獨空此一面不為開濬迨崇禎四年士民請於漕撫李待問一濬舊城東門外濠河一開新城北門外濠河漕撫捐贖銀一千三百兩道府以下及邑人義助復千餘金委推官王用子知縣王正志分董其事新城北門以外大隄以內民居櫛比本無隙地乃價買民房折地挑挖自西角樓起至東角樓止以達東壩濠河三城水勢俱

旋繞矣 國朝康熙年志旣未及載卽張檢討山陽縣志亦缺而不書偶檢邑處士馮一蛟所著間圖十二書中載漕撫朱大典引活水繞三城公呈始詳其事故備列於此以補舊志之缺

附

市河古由西水關引湖水入城自築隄成運河後改建一小閘進水其制甚陋由舊城西門稍南數十步穿城下入東流過南市橋分爲三支一支經小八字橋縣大門下橋漕院譙樓前三思橋又東至白虎橋稍北行至城隍廟東復折而南轉入府學泮池一支自八字橋北行過大聖橋高公橋至北門折而東行過章馬橋孫虎橋古臺山寺橋梁皮橋折而南行穿

東門大街磚橋入東嶽廟小橋達小教場歸巽地一
支自南市橋略東轉折而南行過街心暗橋至童王
橋復折而東入文渠遶察院後出南門大街南行東
入府學泮池與東北分流之水二支相合總入巽方
謂之三奇合抱其至章馬橋一支分流出北水關入
聯城與城外羅劉河之亥水相迎謂之巽亥合秀二
水相合於雷神殿前東行入新城南水關出北水關
經東北角過新城東門至聯城東門外下澗河入射
陽湖東達於海明末防亂各水關俱堅閉不啟

國朝順治十三年漕院蔡士英始復開西水關濬文渠

大挑市河城中乃有活水然運河渾水入城每易淤墊雖屢加疏浚終未深通東南一帶尤易湮塞此歷代市河大略也澗河河身日高城中積水至不能洩乾隆八年於澗河之北別開一河引三城市河之水出聯城東北阜城關直達此河又開澗河龍王廟開分澗河之水一股亦入此河東行經劉伶臺前過范家口入馬家蕩三城積水其去始速然范家口又漸爲渾水所淤不四五年舟楫業已難行矣

水關在舊城者三在新城者二在聯城者四西水關舊制可行船入西湖自運道改由城西始建響水閘

放水入城水關亦減小不復如舊北水關仍是舊制
兩邊石槽內外五層可以防水患並寇盜
也康熙九年三城壩決潰入聯城漲倒北水關半城
皆水則以閘板久無壅遏無力故也及水退始議設
板久之又歸烏有今並水關亦岌岌欲圯幸舊制尙
在急宜修復東南角水門名吳關說見下新城南北二
水關俱係舊制北水關在未築城前爲石閘古邗溝
由射陽至末口入淮石閘卽古末口自北辰堰築而
末口變爲石閘自新城築而石閘變爲北水關矣聯
城四水關通舟楫者三東南水門亦曰吳關今塞

吳關舊城東南隅水門也明天啟中知府朱祖舜知縣孫肇興採士民公議鑿吳關引寶帶河水入城一支由真武橋滙於府學泮池曲折入文渠遠中察院後至八字橋一支由白虎橋穿漕撫譙樓前橋過縣大門下橋與真武橋水會於八字橋總過縣學前由大聖橋高公橋至北門章馬橋一支由小教場經東嶽廟小橋穿東門大街磚橋環遠道府署後出北門大街章馬橋會八字橋南來之水總出北水關至聯城會城外之水入新城下澗河與前市河同後以東南地形高亢水難引入又因明末防亂各水關俱閉

吳關亦塞

國朝康熙二十六年漕院慕天顏准兩學公呈詳覆允
行忽以河議入京事遂寢康熙四十年間鄉民欲開
二處吳關院道批查行學集議當卽詳答俱應俟澗
河深通然後可行雍正四年生員許其恕等復呈漕
院張大有始行開通於城外築壩逼水進城小舟可
以出入未一二年仍復堵塞

文渠開自明嘉靖間知府王鳳靈因舊溝渠改鑿寬
深四五尺六七尺不等甃以磚石覆以厚板引西水
關之水曲折達於府學泮池緣近民居歲久易塞萬

曆四十二年知府詹士龍重加挑浚引水遠府學泮池入躍龍池轉吳方出北關入澗河與市河吳關水同行厥後吳關閉市河淤文渠漸就湮塞順治十三年漕院蔡士英開濬康熙四十年後漕院桑格捐貲重濬今雖水道通行然積穢停汙未能蕩滌當急爲之清理

郭家池在城西北隅老君殿前龍興寺後由水門通城河中有一墩多古樹明崇禎間推官袁彭年四面築隄爲放生池禁捕魚者久之隄壞

國朝順治間漕院蔡士英建大士閣于墩上修隄造閘

申魚禁又建亭臨水長橋臥波爲遊賞勝地今盡積廢

萬柳池在城西南隅舊由西水關通於西湖明李參政元遊萬柳池聯句詩序云淮城內西南角在宋爲萬柳池林靈素謫隱於此有八仙臺掩鶴井之類池約十餘畝菰蒲菱芡遠近相映城內土壘如山雜樹森列不見女牆舟抵靈慈宮岸步望仙橋弔靈素墓聞松院笙簫清興欲飛後漸燬敗

國朝康熙五十年間漕院施世綸重加修葺寺院亭閣煥然一新今復就圯矣

以上六項皆與城濠相關故附記城濠後

舊城街

東長街 亘南北抵城下 西長街 亘南北抵城下

東門街 自東門過府前抵西城下 西門街 自西門抵西長街中

中長街 自南門抵漕院過縣學前直抵北門 漕院前街 東自青龍橋西抵西長街

縣前街 東至東長街西抵城隅 雙寨街 中長街之東近東城

刑部街 西抵西長街東過鶴步橋抵魚市口 舊南府街 東抵南門街西抵西長街

太清觀街 自西門市口抵龍興寺街 東嶽廟街 東抵城西抵金壽士巷口

新城街

南街 自南門抵橫街轉東至北門口 東街 自東門抵西街北轉至西門

西街 南抵城北抵橫街轉北至小北門口 北街 大北門內

聯城街

南北長街

自北城起過鼓市
西折出天衢門

馬路街

古張道人路
出東天衢門

城外街

東關廂街

東門外舊多水不成街惟澗
河兩岸乃魚米海鮮輻輳處

南關廂街

迤南門弔橋
至人家盡處

西關廂街

自南鎖起過皇
華亭直北至西

湖嘴以及楊家溝
皆西關廂街也

北關廂街

出聯城門至
新城西門下

柳浦關街

在新城
東門外

馬福街

在南鎖
壩往東

相家灣街

新城西門外起直至窩溝頭止古黃
河大隄也有舊石工地勢最高埭

西湖嘴大街

舊時兩旁俱係湖蕩沙嘴獨出湖心自
運河築隄後居民日盛商賈日多南抵

運河隄北抵相家灣街

狀元里街東自新城城脚起西至黃橋止

中名竹巷沈狀元夏編修故里

羅家橋街東自花巷起西自古菜市橋止

貫各巷居人最為稠密

板廠街菜市橋稍西北轉抵古黃河隄

中街西湖嘴西北行抵羅家橋街

空心街湖嘴街向東行傍羅剎河濱

舊城巷

近城巷四門內各有巷相通

水巷一軍營水巷一有司水巷俱東門內

火巷各街市

芬輪寺巷青龍橋東北轉

二郎廟巷漕院左東北轉

金書士巷青龍橋南俗訛金華寺巷

潘都巷南門內大街東

城隍廟巷廟西向北轉

打箔巷雙寨門街東

百姓巷金書士巷南轉俗訛作百線巷

鍋鍬巷

城東南隅

打線巷

城東南軍營房

觀音寺巷

寺東轉北

大溝巷

報恩寺前

龍窩巷

大聖橋東轉南

雙刀劉巷

大聖橋西轉北

駙馬巷

大聖橋西轉南舊有黃駙馬祠

五聖廟巷

大聖橋西轉北

高皮巷

草郎巷轉北

草樓巷

十王堂市口西轉北又名草郎巷

倉巷

西門內舊西新倉基

局巷

西門內北首造作軍器局

三條營巷

西門內草橋下

銅王巷

縣西南轉

倪進士巷

西長街西

新城巷

崔官巷

西門內

周官巷

小北門內

莫家巷 大北門內

東長巷 東門內

城外巷

古東米巷 舊城南門外

釘鐵巷 自相家灣起至更樓前

粉章巷 自相家灣起至玉皇殿

竹巷 即狀元里自唐家橋至蓋橋市

茶巷 自相家灣起至蓋橋市

花巷 自相家灣起接湖嘴大街

乾魚巷 花巷西轉至羅家橋

錫巷 由乾魚巷北轉

羊肉巷

繩巷 羅家橋西

判廳巷 羅家橋東南轉

舊城市

古淮陰市 原在古淮陰縣故城內城久圯廢市不可考今於舊城府市口立淮陰市碑其實非

城池

是

東門市

西門市

南門市

有大魚市小魚市
居人最爲繁盛

北門市

府前市

卽今立淮
陰市碑處

縣前市

縣治稍東
十字街口

十王堂市

在中軍副
將署西

養濟院市

南市
橋南

刑部市

西長
街南

名臣祠市

在東長
街南

新城市

南門市

西門市

東門市

北門市

趕羊市

聯城市

鼓市

聯城大街其一
一在西門外

皮市

石灰橋
東首

城外市

米市

一舊城南門外一城北天興觀
後一東門澗河一清江浦大市

柴市

一舊城東門外一舊城西門外一澗河
南岸一舊禮字壩一草灣隄一清江浦

西義橋市

新城西門外
有樓覆於上

蓋橋市

竹巷湖嘴
四達通衢

羅家橋市

自乾魚
巷往西

古萊橋市

羅家
橋西

相家灣市

沿禮字壩隄
迤西轉湖嘴

西湖嘴市

商賈輻輳最爲
繁盛明邱瓊山

詩云揚州千載繁華景移
在西湖嘴上頭今不及矣

窑溝市

昔年最繁盛處
今因河遷久廢

舊市

舊城外
西北隅

蘭市

藍市往北春初市蘭於此香聞遠近

牛羊市

在河北鎮

猪市

一在河北一在舊城南門外

冶市

新城東門外下關街

海鮮市

蓮藕市

草市

三市俱在澗河兩畔

舊城井

古井

一在舊城吳隅一在韓侯祠內大旱不竭

漆井

舊城西門內相傳市漆者

漂母井

俗傳在城西北文通塔下漂獨潔白

甘泉井

俗名龍窩在豐登橋側舊傳水與海

潮相通又云通淮上建大聖廟鎮之聖者謂禹臣庚辰能鎖巫支祁者也

縣市前古井

府市口古井

龍興市古井

臺山寺古井

枸杞井

在開元寺見
劉禹錫詩

掩鶴井

在靈慈宮

新城井

真君廟井

高真廟井

千佛寺井

龍王廟井

在大北門城上稱奇蹟

聯城井

雷神殿古井

水最甘冽在聯城市河岸上殿東側

城外井

天興觀井

凡七在大殿神座下水最甘美

義井

凡五其一在淮柳關廂一在清江浦一在

來遠坊一在杜康橋一在夾城隄

舊城橋

青龍橋

酒院東首

白虎橋

青龍橋南

朱雀橋

青龍橋東

真武橋

小教場西

震南橋

打箔巷內

接魁橋

打箔巷東

三思橋

譙樓前宋名譙樓橋元更此名

興文橋

縣大門內二門外其地隆起下通河

谷家橋

東門內

駱家橋

縣治東北

乘涼橋

即東門小磚橋其下通吳關水

伏龍橋

東門街

梁皮橋

東長街北

草橋

西門內響水關水先經此

南市橋

西門大街轉南正德十二年納粟指揮陳鑑重修並草橋白虎史壩北水關四橋工加於

舊乾隆間復圮居民重建

鶴步橋

縣治西南舊刑部市口

穆家橋

西長街南

三角橋

東長街

銅王橋

縣西銅王巷今改名聚奎橋

八字橋

縣治西北二橋分跨市河一南北行一東西行南橋爲宋之州橋北橋曰宜民以形如八字故名宋史李全傳全兄福殺制置使姚弼

幕客社來於八字橋卽此地成化六年重修

鴛鴦橋

古望雲門內

六合橋

城隍廟巷

昇仙橋

正德志云在駙馬巷俗傳州人孫賣魚於此昇仙去故名天啟志云在天妃宮卽呂祖試

林靈素飛昇處舊誤作駙馬巷駙馬巷別有等仙橋未知孰是

等仙橋

正德隆慶志俱無天啟志云在駙馬巷南康熙志作望仙橋又云在駙馬巷北俗傳孫賣

魚於此仙去未知孰是

大聖橋

府治東卽宋北市橋又名豐登橋旁有大聖堂故名

高公橋

大聖橋北

方便橋

高公橋北

章馬橋

北門大街

孫虎橋

章馬橋東

臺山寺橋

臺山寺前按正德隆慶二志止有臺山寺橋天啟志又有古山橋注云在臺山寺前

於臺山寺橋則注云在寺稍西今以在寺前者名臺山寺橋其在寺西者名孫虎橋不復知有古山

橋矣

史壩橋

城北福興庵前

畢家橋

北水關內義官畢文德建

放生池長橋

跨南北如長虹達觀音閣漕院邵甘重建又有長橋跨東西在寺門楊繩武重

建

三仙樓長橋

舊可達天妃宮今圯敗

新城橋

清平橋

大河衛東

小新橋

大河衛南通流石開口洪武九年建

下閘橋

大河衛東北

高橋

南門內

香橋

高橋東

戴家橋

南門

洪山寺橋

大北門內

天妃宮橋

大北門內

三步兩座橋

東門內

管家橋

西門內

聯城橋

石灰橋

舊城北水關外今名寶慧橋

閘橋

北天衢門內相傳昔引湖水至城東

弔橋

新城南門外舊為四馬頭最盛

馬路橋

東天衢門內一名放生橋

靈濟橋

雷神殿前

城外橋

弔橋

舊城東門外

江家橋

柴市

韓家橋

寶帶河水經此下澗河

板橋

東聯城門外

中板橋

由弔橋東北轉

開橋

龍王廟前有碑

通濟橋

開橋相聯

東仁橋

新城東門外

黃土橋

去城東三里跨澗河上雍正九年欽人程夢熊捐資重建邑廩生吳甯謬有記

石塘橋

城東十里澗河經此

車家橋

城東五十里澗河從此下荆口入湖

通津橋

柳淮關廂城東北十二里

伏龍橋

治東七十里奉國村

大弔橋

舊城南門外即古通濟橋

小弔橋

大弔橋南

馬福橋

馬福街寶帶河經此轉

十里橋

城南十里

高壩橋

城南三十里各涵洞水經此下溪蕩

涇河橋

橫跨凡三在城南五十里

平河橋

城南四十里宋時建今廢

仁濟橋

西門外即古長橋橫跨管家湖分湖

為二宋嘉定間所建

通會橋西門外水關側

水關橋

楚望橋

迎恩橋

清風橋

俱宋時建 白仁濟橋以下六橋俱

在西門外自改運河築潛隄後俱廢

西義橋

新城西門外舊有樓覆於其上宣德

十年燬是年重建

便益橋

西義橋東北

舊板橋

便益橋東北西通運河達禮字壩

倉橋

相家灣後街東

西橋

相家灣西舊黃河經此最為險要

廣惠橋

廣福寺東

唐家橋

玉皇殿西上建魁星閣

施家橋

粉章巷

蓋橋

竹巷西頭達於湖嘴四通之衝

羅家橋

乾魚巷西羅家溝上義民羅文振濬

溝建石橋長三丈後易以板今為板橋

楊家橋

羅家橋西

城池

菜橋

楊家橋西北按天啟以後志皆云菜橋在楊家橋西正德隆慶二志皆在西北今羅家橋西

直至菜橋中間別無一橋可名楊家橋者惟羅家

橋西南有太平橋又西有水橋菜橋在其西北楊

家橋或即此二

橋之別名耳

篷鋪橋

菜橋北

宋家橋

三板橋

四板橋

來鳳橋

水橋

太平橋

邵公橋

以上七橋皆羅劉河水所經判廳巷中仍有小橋無名湖嘴大街南板橋一亦無名皆

此水所經

靈惠橋

蓋橋後街靈惠祠前

蓮花街橋

凡三在厲壇東西

利濟橋

湛真石橋西

新莊橋

党家橋

通源寺橋

三橋皆在古密溝

新橋

常家橋

湛真寺石橋

在相家灣北雍正二年僧

岳宗捐貲建造

渡

上關渡

來遠坊西

下關渡

淮陰驛後

楚望亭渡

楊興村

桃花渡

永豐村

平河渡

平河橋

故晉渡

故城村

侍家溝渡

治西南侍家溝往盱眙路

清河渡

治西五十里天妃廟前

顏家河渡

黃河自清江浦東下十里至草灣分而為二其南舊道由鉢池山過新城北門下安

東其北自草灣分流過朱家嘴新河口共十五里至顏家河又二十五里至頭舖與舊黃河合流又

城池

十里抵安東自萬歷間舊道漸湮大河全從草灣過顏家河下安東矣

南關官渡

淮陰驛官渡

北角樓官渡

西湖嘴官渡

外河官渡

鹽河官渡

清江官渡

古設官渡八十餘處船隻人工皆有經費而今無矣惟外河係黃淮合流風濤不測

渡船狹小時有覆溺康熙四十二年淮揚道王謙率同船政同知蒲都外河同知南夢班捐造大馬船四隻畀長年領之甚為往來之便乾隆中知縣沈光曾因馬船朽壞改造救生紅船一隻并募水手六名

關

南鎖關

城南一里

安樂關

城西北三里

柳淮關

東門外即下關

淮北關

治北十里

涇河關

城南五十里於河東設壩禁私鹽今廢

淮北護鹽關

草灣護鹽關

二關舊設

赤岸護鹽關

以上護鹽關各差千百戶一員護送商鹽

板關

治西北十一里

草灣護鹽關

並下見實錄備草

平河橋護鹽關

關

石關

新城北即古末口舊於此築北辰堰洪武十年建石關今廢為北水關

蕲關

南鎮壩宋運糧由此至洪澤入淮洪武十年開菊花溝以通舟楫此關廢按此當即是許家

關古運道自頭舖入許家關由舊城東門轉東北隅西入運河即此地

板閘

城西北十里陳瑄建

移風閘

舊志云城西北二十里永樂十五年

建今廢

按行水金鑑載移風閘即板閘自板閘

又西十五里

即清江閘又五里即福興閘又二十

里曰新莊閘

此平江伯陳瑄所建四閘也淮關統

志又云觀陂

去城十里地名板閘舊名上移風

閘又三里許

名下移風閘二閘南北相望是移風

本有二閘

與板閘是一是二不過相去三里許自

正德志以下

悉言板閘在城西十里移風閘在城

西二十里

與諸書不合今諸廢閘悉廢無從考其

是非惟備存各

說以俟知者

清江閘

城西北三十里清江浦又名龍王閘

福興閘

在清江閘西五里潘季馴改建於壽州廢去清江閘十五里

永清閘

在舊永濟河今廢

密灣閘

舊永濟河人運河處

天華寺通濟閘

魚瀕河閘

新城北門外東壩

永濟閘

故沙河由運河洩水至鹽河

下興文閘

西門稍西即響水閘

上興文閘

南角樓南
閘河之源

楊家廟閘

上興文閘對
岸新河之尾

涇河閘

城南五十里
運河東岸

澗河閘

縣城東
門外

龍王廟閘

澗河閘稍北
分水入市河

南隄閘

在河西乾隆
建

周家閘

城西南百
里高堰西四十里

柳園頭閘

見行水金鑑
未詳所在

壩

仁字壩

義字壩

以上二壩舊在新
城東門外東北自

城南引湖水抵壩口外即淮河遇清江口淤塞
運船經此盤壩入淮壩東為擇路西即城基

禮字壩

智字壩

信字壩

以上三壩俱在新城外西北引湖水抵壩口
外即淮河遇清江淤塞則官民商船經此盤

壩入淮今五壩皆廢仁義智三壩不知其處
惟禮字壩在新城西門外信字壩在密溝

清江壩

去治西北三十里清江浦之東正德六年開遇清江口淤塞卽經此達淮

滿浦壩

城北門外西北四里

南鎖壩

城南一里許

小壩

湖嘴稍東由市河達運河

武家墩減水壩

南良澗減水壩

古溝減水壩

茆家園減水壩

夏家橋減水壩

唐埂北減水壩

唐埂中減水壩

唐埂南減水壩

鳳陽厰減水壩

以上九壩俱見行水

金鑑

老壩

清江浦

三壩

草灣

堰

常豐堰

城東南唐點陟使李
承建見唐書地理志

紹熙堰

宋史河渠志紹熙五年淮東提舉陳損之言
高郵楚州之間湖波渺漫宜創立隄堰以爲

浦泄乃築隄自揚州江都縣至楚州淮陰縣三百
六十里又自高郵興化至鹽城縣二百四十里又
起自揚州江都由高郵及楚州寶應山陽北至淮
陰達於淮自高郵入興化至鹽城而極於海自泰
州海陵至揚州泰興而徹於江共爲石礎十三斗
門七乞以紹熙爲名鑄諸堅石淮田多沮洳因損
之築隄捍之得良田數百萬頃奏開除直秘閣淮
南轉運判官陳公所築隄堰歷年久遠河道變
易固無可考然後來改制不無因仍則其遺利猶
在人間未泯舊志不錄未免湮沒前人創造苦心
且淮之享有良田者亦忘
所自矣謹按宋史補之

北辰堰

一名北神堰卽今新城大北門外古淮河隄
也吳王闔閭溝西北至末口入淮後人於此

立堰名北辰堰蓋以此地名北辰鎮也堰不知築
於何時後屢廢屢修古運道皆由此達淮達黃水

與淮合流堰外最稱險要及黃淮遠徙堰外又成平陸矣

高加堰

城西南四十里漢廣陵太守陳登築人謂是

土田之宜盡灌溉之利堰宜是時所築宋史李孟

傳傳孟傳為楚州司戶參軍加葺徐積墓修復陳

公塘有灌溉之利陳公塘即高加堰也自韓信城

五里至青塋二十里至武家墩又南至管家莊堰

西為阜陵亦離泥墩諸湖湖西為淮本不相通當

日築堰以利灌溉非以捍水患也自河與淮合河

淮並高於是淮水東侵諸湖并而為一洪水直抵

堰下衝蕩激射堰始危險加高增厚屹若長城明

世堰圯七邑罹災陸慶六年漕撫王宗沐知府陳

文燭始議修築功成郡人丁侍郎士美為文以記

之國朝康熙初年又決二十二年河院靳輔大

加修治歷數十年不壞雍正八年

上大

發帑金百萬命總河嵇曾筠徹底重修至十年六

月告成高廣堅固防守倍嚴真萬世不易矣

邨

柳淮邨

高士邨

盧上邨

以上俱柳淮鄉

菱陵邨

亦作菱陵舊云楚元王墓在此

休祥邨

原信邨

唐邨

建東邨

以上俱馬邏鄉

平河邨

辛店南鄉

辛店邨

故城邨

六溪邨

以上俱辛店南北鄉

奉國邨

城東南五十里

永豐邨

辛店北鄉

大義邨

楊興邨

富清邨

三角邨

張邨

夏邨

城邨

趙家邨

以上俱大義鄉

練湖邨

地接安東或作連湖

安樂邨

萬家邨

仁和邨

楚州邨

袁家邨

以上俱淮北鄉

古溝邨

彭店邨

城南古范王庄有廟在又名董家集

坊表

節孝坊

爲宋節孝先生徐積立在縣東

擢桂坊

爲元進士趙質翁立今不知其處

進士坊

爲元進士韓渙立舊在局巷

大司徒坊

恩榮坊

俱爲沈翼立

榮祿坊

尙書坊

經憲坊

俱爲金濂立

都憲坊為楊理立

內臺太史坊為李元立

狀元及第坊

學士尙書坊俱為丁士美立

攀龍翥鳳坊為趙汧立

青雲接武坊為蔣琮立

皇都得意坊為楊傑立

步青雲坊為樊琦立

皇甲傳芳坊

青雲接武坊為胡璉一門立

補袞坊

都憲坊俱為潘頃立

經元坊為徐志仕欄立

經魁坊

繡衣坊俱為包瑛立

世美坊為高綬立

世恩坊為金良弼立

賓賢坊為馮節立

都憲坊為盧惠立

飛騰坊為芮毓立

畫錦坊

爲金
銑立

冠錦坊

爲曹
璽立

奪錦坊

爲饒賓立
志作錦標

舊

進士坊

凡五爲沈翼沈珪
韓敏葉贊魏璽立

以上俱在舊城南門
內中長街及衛前街

尙書坊

宮保坊

俱爲葉
淇立

諫議坊

爲朱維
藩立

青雲得路坊

爲王
淇立

躍龍津坊

奮雲程坊

俱爲王
淮立

會元學士坊

探花及第坊

俱爲陳
澗立

解元坊

爲祝尙
義立

玉堂學士坊

蘭省尙書坊

俱爲蔡
昂立

太史坊

爲盧
淮立

登雲坊

爲史
瑩立

步雲衢坊

爲沈
珪立

登雲路坊

爲沈
志立

世科坊

為沈純立

橋梓重光坊

甲科濟美坊

俱為牛斗立

攀桂坊

凡二為鄭昇戴讓立

進士坊

凡四為史瓚沈純王聖朱維藩立 以上俱在西門內大街及西長街南市橋刑部街

臺憲坊

為齊昭立

進士坊

司諫坊

俱為楊上林立

繡衣坊

為杜顯立

登雲坊

為孫鎰立

附鳳坊

為周雲立

聯捷進士坊

為張世才立

濟美坊

為張世材及子泰燭立 以上俱在

舊城內府市前縣學前至北門街

雙桂坊

穎秀坊

進士坊

畫錦坊

俱為馬頌立

奪雲路坊

為王信立舊志作奪雲標

狀元樓坊為沈坤立

雲翔坊為潘亨立

都督坊為周于德立

繡衣坊為包英立

經元坊為鄒鸞立 以上俱在新城

諫議坊

進士坊俱為張侃立

冠英坊為張宸立 以上俱在滿浦西湖嘴

地官尙書坊

象賢坊

持憲坊俱為葉洪立

狀元坊為沈坤立

諫議坊為臧珊立

恩榮坊為史敏立

經魁坊為沈清立

擢桂坊為畢玉立

登庸坊為史效立

進士坊凡五為史鍾葉洪李瓚畢玉臧珊立

世科坊為齊諫立 以上俱在竹巷至廣惠橋

登金榜坊

為尹珍立

登桂籍坊

為孫榮立

步蟾宮坊

為王耕立

崇賢坊

為崔綸立

步雲坊

為朱容立

國賓坊

為韋斌立

進士坊

凡二為尹京韋斌立以上俱在城外相家灣西義橋西橋

跨金鰲坊

為沈演立

文魁坊

為林昂立

畫錦坊

為羅銓立

三桂坊

為高雲立

秀實坊

為萬璜立

造士坊

為陳讓立

登科坊

為許鵬立

繡衣坊

凡二為吳節吳璠立

進士坊

凡三為吳節吳璠陳讓立以上俱在城外羅家橋常家橋羊肉巷

光祿坊

京兆坊

俱為丁璋立二坊上半已盡傾圮

惟餘一石大書順天府通判丁璋七字各志科甲貢監恩蔭等類俱無璋名馳封內載有璋父翥以子貴贈如璋官而璋之時代履歷行實一無可考姑附記於此

登科坊

進士坊

俱為吳煥立
上俱在密溝
以

會魁坊

牙史坊

俱為楊谷立
上俱在南鎮壩
以

承芳坊

為陳治安立在
新城外下關鎮

府學坊

縣學坊

漕運總督坊

舊東西二坊外向南亦有一
坊康熙二十六年改為照壁

察院坊

淮揚道坊

淮安府坊

山陽縣坊

以上俱在舊
城各衙署前

仙鶴坊

臨淮坊

清平坊

北辰坊

端本坊

滿浦坊

來遠坊

頌春坊

以上八坊俱表厥里名舊志所載如

此今亦不可盡考

節孝坊

共若干處未經查明送館是以未載

一在永盛坊為明故節婦張嘉謨妻尹氏立

百歲坊

為任經邦妻張氏一百一歲立

百歲坊

為生員馬召菱立

坊鎮與坊表之坊不同

縣前坊

南市橋坊

西門大街坊

太清觀坊

十王堂坊

龍興寺坊

大軍倉坊

章馬臺山坊

演武坊坊

梁皮橋坊

府前坊

軍營水巷口坊

有司水巷口坊

東門大街坊

打線巷坊

紫霄宮坊

二郎廟坊

文廟後坊

真武橋南坊

真武橋北坊

魚市口坊

南城角坊

打匳巷坊

南府前後坊

舊參府坊

三牌樓坊

三條營坊

以上舊城

北廂庄坊

夾城

清平坊坊

中左所坊

前所坊

左後庄坊

北辰坊坊

以上新城

北二舖坊

北三舖坊

雙廟坊

將軍廟坊

四舖坊

五鋪坊

六鋪坊

辛店南坊

猪市坊

南鎖壩坊

南湖所坊

包家圩坊

楊家廟坊

成子庄坊

辛店北坊

畸零庄坊

鎮海庄坊

北關廂坊

鎮淮庄坊

西關廂坊

遺惠臨淮坊

倉基庄坊

安樂十一鋪坊

淮南庄坊

永盛坊坊

花巷三五舖坊

滿浦一舖坊

近淮庄坊

近湖庄坊

二十七舖坊

二十八九舖坊

湖嘴河西坊

二十四五舖坊

湖心寺坊

通湖庄坊

烏沙河鎮

小舟庄鎮

十二三舖坊

信義十六舖坊

安樂五庄坊

鉢池山坊

淮北東里坊

淮北西里坊

東關廂坊

板關鎮

儀鳳關鎮

當作移風關

販伏庄鎮

趙家庄鎮

以上三城外近城處

朱家溝坊

仁義窪鎮

小河北東坊

小河北西坊

西灘鎮

太子庄鎮

江甯廠坊

山東廠鎮

廠前坊

廠後坊

徐家湖坊

磨盤庄坊

工部前坊

戶部前坊

倉北門坊

鳳陽廠鎮

直隸廠鎮

西五牌鎮

頭二三井鎮

以上清江浦

三里塘坊

七里塘坊

石塘鎮

周家庄鎮

壽河鎮

車家橋鎮

汴塘坊

西寨坊

焦木庄坊

東作坊

宥城坊

官渡鎮

蛇峰鎮

長沙鎮

黃吉庄鎮

涇口鎮

乾溝坊

劉伶臺坊

柳浦灣坊

晏公廟坊

南灣坊

北澗坊

菊花庄坊

馬舖坊

水晶坊

葛家庄坊

南嘴頭坊

史家蕩坊

地舖頭坊

西崗坊

陡溝坊

逢湖坊

姚家蕩坊

柴溝坊

殷魏庄坊

理事庄坊

姜黃孫高庄坊

建義坊

大交陵鎮

小交陵鎮

魏劉庄坊

唐嚴崗坊

青林崗坊

埋王山坊

以上東鄉

高良澗坊

苑頭集鎮

黃家集鎮

順城集鎮

花家集鎮

萬家集鎮

雙溝集鎮

古溝鎮

越城鎮

周家橋鎮

馬逢庄坊

興龍集鎮

岔河鎮

三角巡鎮

恒家廟鎮

高加堰鎮

丰汛港鎮

鑼鼓墩鎮

嚴家集鎮

石橋稍鎮

畢家溝坊

更字頭鋪坊

更字二鋪坊

更字三鋪坊

北武家墩鎮

澗南鎮

澗北鎮

陸家集鎮

官庄鎮

南武家墩鎮

老隄頭鎮

南武庄鎮

南甸鎮

以上西鄉

南二鋪鎮

南三鋪鎮

平河橋鎮

涇河東坊

涇河西坊

戴家灣坊

上下壩坊

駙馬營坊

溪南坊

溪北坊

塔兒頭坊

徐甸坊

曹甸坊

橫庄坊

太倉坊

小奈溝坊

左家包坊

崔家包坊

成灌庄坊

雨瑤坊

七孔橋坊

羊腸集鎮

大雲庄坊

螞蟻甸坊

東安基坊

西安基坊

和尚庄坊

金安庄坊

崔家河坊

南施家河坊

北施家河坊

固城崗坊

以上南鄉

草灣鎮

永豐庄鎮

朱元庄坊

四鋪溝坊

洪福庄坊

官祿庄坊

顏家河坊

赤晏廟坊

劉家河坊

新工鎮

真武廟坊

以上北鄉

鎮與前坊鎮之鎮不同

車家橋鎮

城東四十里古壽河所經今通為澗河由此出涇口下蕩

板開鎮

城西北十里宋故沙河所經處明平江伯陳瑄於此建開漕渠先以板故名板開宣德

間設立鈔關於此鉢池環抱於後運渠縈繞於前烟火千家舳艫雲集淮安西北一鎮鉤也

清江浦鎮

城西北三十里漢淮陰縣地明平江伯開運河自故沙河西北至鴨陳口出與淮通

建間設壩此地遂成重鎮

國朝河院又移駐於此舟車鱗集冠蓋喧闐雨河市肆櫛比數十里不

絕北負大河南臨運道淮南扼塞以此為最其街巷橋梁坊表詳附於後

戶部前街

自橋口河下抵署前

工部前街

自留輝樓抵鎮東樓

提舉司街

自工部前轉南抵仁義樓

倉北門街

常盈倉前抵戶部街

漕廠街

自工部署前抵東廠

磨盤莊街

自工部署後東抵廠前

小河北街

自海神廟東抵開口

仁義窪街

自清江間抵車路口

太史莊街

在小河西

龔家路街

小河北西

朱家溝街

自仁義窪抵四門樓

大軍路口街

自仁義窪東抵草灣

觀音寺巷

自五聖廟至工部前

堅白女貞巷

清江浦轉南

竹巷

戶部前臨運河

陸四巷

小河北東

擡花巷

小河北西

朱公橋

工部朱公建在部東

范公橋

范公河上

莊家橋

常盈倉西

史家橋

戶部署前

廣蔭橋

廣蔭巷前

魯家橋

淨慈寺西南

福田橋

福田巷前

仁義橋老壩口

金鎖橋月河口東

月河橋閘口西北

鳳翥坊為張尙武立

地曹分署坊戶部署北

經國坊工部署東

濟川坊工部署西

統理四廠坊船政廳南

斯文在茲坊書院前

四運舊儲坊戶部前

東南上游坊工部前

護漕永流坊普應寺前

平河橋鎮城南五十里杭隄跨河邨落市肆兩相映帶田疇肥美帆船繹絡亦淮甸之門戶也

昔有橋今圯久矣或曰運河水至此而平故名

汭河鎮城西南八十里水路出涇河西褚家溝陸路出黃家集古名柘塘水鄉也蟹稻肥美居人

茂密宜於隱居有桃源谷口之意從涇州至梧塢有墩阜十餘迤邐往北五里至鎮其西二十里通

高良澗洪澤湖又一小河東北通山查蕩由土城
下湖又一小河往南通草子河故名汭河其大河
東去十餘里下白馬湖東北十餘里大墩三有土
城四門依然相傳唐時所建昔高堰弗戒古溝衝
決此地盡屬波臣倘水
患永甯可稱樂土云

河北鎮

去舊城北十里新城西北三里黃河未徙草
灣以前鎮在河北故名今在河南矣尙隔小

河一道今名鹽河卽古黃河遺跡也舊惟禮字壩
有橋可通餘皆舟渡今中有石橋西有利濟商賈
負販接跡於途較數十年前以前爲尤盛明正德十
年開支家河接連水建批驗引鹽所於此後又築
城護鹽今城已廢四門尙存鹽運分司舊駐安東
此地但有行署今亦移駐於此鹽官所在食力之
家不下數千戶東西相距幾二十里郡北
屏藩此爲重地其街市橋梁附載於後

舊街

新街

鮑家亭井

廣濟橋

通淮橋

集

楊家廟集

城西南五里永濟河水自此下運河

陸家集

城西南三十里

黃家集

城西南四十里

月城集

城西南九十里以上皆至盱眙縣路

薄甸崗集

城東南二十里

楊場集

城東南三十里

孟家集

城東南四十里以上俱往涇河路

南店集

城東三十里

北店集

城東三十里

塔兒頭集

城東南五十里涇河自此下蕩

鹽城縣城

周圍七里一百三十四步東西徑二里二百一十七步南北徑二里一百八十步高二丈三尺初止有東西北三門萬歷七年知縣楊瑞雲增開南門門各有樓水門二列鋪二十八座

鹽之築城其歲月無可考然在漢名此地爲鹽漬晉

安帝義熙中改名鹽城

晉書地志尙名鹽漬安帝改名見宋書地理志城之

築當在此時矣又名瓢城以其形似瓢也宋紹興乾道間三加修築山東寇皇甫炳攻之不克嘉定八年知縣尤炳修元至正十五年知縣曹經重修皆屬土

城明永樂十六年僉倭指揮楊清守禦于戶馮善始
易土爲磚增築月城樓櫓雉堞始備嘉靖三十六年
署縣事府檢校祝雲鶴重修萬歷七年知縣楊瑞雲
增修楊又謂鹽之龍脉發自西北而會結于東南不
可無南門集士民登覽鑿垣得南門故址其門與學
宮文廟相值門上建大樓三楹題曰淮揚一覽後以
城多火災南門復閉崇禎十三年知縣張桓復開一
門于舊門之西數十步至今仍之 國朝康熙七年
地震城樓窩鋪垛口悉壞叠經詳請尙未修葺

濠河

濠河舊深九尺圍繞四城今西南湮塞以南門大河爲濠由南而東流入濠渠故道經東門弔橋而北過北水關西流與西門登瀛橋大河接

附

市河在城內自西水關入至開平橋分爲二支一支遶學宮前一支遶縣治前至東門迎春橋合流折而西北行遶縣治後出北水關下通海橋以注於海

市河環繞城中其形如帶年久湮塞明景泰四年郡守邱陵知縣劉諒始行開濬未幾復湮自是城中遂無行舟民多病膈萬歷間知縣楊瑞雲濬之久之亦

淤 國朝康熙五十七年知縣高鎬復加挑濬迄未

成功

街

樂民街

縣治譙樓前東

淳化街

縣治譙樓前西

仁政街

縣治總舖東南

宣化街

縣治申明亭南

承宣街

縣治東

遊化街

縣治西南卽直道橋大街

利用街

縣治西南

會通街

縣治西南

仁壽街

縣治西南

淨善街

永寧寺前

澄清街

卽察院前大街

登俊街

澄清橋南盡處卽儒學

順德街

縣治西

靈應街

縣治南舊關帝廟前

阜民街即東門大街

永興街即北門大街

巷

節文巷登俊街東

永安巷登俊街西

兜率巷察院前

崇義巷縣治西南

延陵巷長建坊西

玉女巷縣治西南

和濟巷長建坊北街西

安方巷縣治西長建坊西

通真巷祥輝觀前

普安巷長建坊西久為居民所占

仙人巷集仙堂前

市

端平橋市

永興橋市

中市橋市

關平橋市

新橋市

五市俱城內

岡門市

伍祐市

新興市

大岡市

唐橋市

朦朧市

新河鎮市

沙溝市

井

冽井

縣治儀門東

龍吟井

虎嘯井

並儒學內明倫堂前

沙井

北門外一里味甘冽

義井

共四處一槐將軍廟一新橋北一守禦所北一永安巷前

橋

端平橋

縣治前俗名鳳凰橋又名三思橋

直道橋

端平橋西南又名玉帶河橋

察院橋

直道橋西南一名永興一名澄清

中市橋

察院橋西

新橋

中市橋西俗名板橋

開平橋

新橋西一名倉橋

馬橋

開平橋西南

盛魁橋

儒學西明嘉靖十七年縣丞胡鰲建

青雲橋

南門內

靈應橋

城隍廟前

毓龍橋

永甯寺西舊名強陀橋

米寺橋

北門內一名林家橋萬歷九年知縣

楊瑞

雲建

迎春橋

東門內每東郊迎春經此故名

盈甯橋

南門外乾隆六年里人重建

太平橋

水西門內

永豐橋

西門外舊名登瀛乾隆六年重建

通海橋

北門外

成也

通惠橋

北門外天妃廟前一名朝京康熙三十三年知縣武韓建乾隆六年建開橋撤

水關橋

西門北門外各一

弔橋

東門外以城內外

通濟橋

伍祐場

肇豐橋

大岡鎮中中有東西二座

臥龍橋

大岡鎮地藏院傍

安福橋

岡門鎮一名方橋

馬永橋

大岡鎮中俗名南橋

順濟橋

俗名西橋岡門鎮西

仁和橋

文英橋

並沙溝鎮

利濟橋

古寺基傍跨東塘河乾隆六年建

景忠橋

建陽鎮

永安橋

新興場一在上岡鎮俗名西橋

永利橋

上岡鎮中舊于此建間乾隆五年開

移串場河東岸改建橋

永濟橋

草堰口舊亦於此建間乾隆五年開

移劉團浦改建橋

萬福橋

安豐鎮康熙六十年建

昇仙橋

清溝今分阜寧

新河橋

治西五十里今廢

唐橋

治西八十里今廢

新洋浦橋

治西一百二十里今淪於湖

馬家蕩橋

今淪於湖基趾無考

渡

石碓口渡

東門外今建閘

道洞口渡

縣西北城下

徑口渡

岡門鎮西七里

河口渡

縣治西南東官河內

解港渡

按縣西北收成庄南有解子港疑卽其處

善李渡

失考正德志作苦李渡

朦朧渡

朦朧鎮

喻口渡

喻口鎮

清溝渡

清溝鎮以上津渡今俱廢

關

清溝關

喻口關

沙溝海口塞

卽沙溝營兵汛

關

石碓口關

縣東門外一里萬歷四年杜善教請濬河建關河通海潮湧至壞關傷田廬萬歷入

年巡鹽御史張璧卿特難蠲議奏請築塞仍于石碓南別置關以備勞焉關後亦廢國朝雍正

七年大學士陳元龍鄂爾泰奉

命閱視鹽城水利仍請立關與上岡草堰二關先後

建築以禦鹹潮

乾隆六年重修

天妃關

縣治北門外二里舊河寬二十七丈爲七邑洩水要口及秋後潮水越口而土苦不可飲

鹵不可灌甚則漫溢民田土不可耕屢議建關率以河身甚寬土壤浮濶而止乾隆三年撫臣許容

治河疏內始請於此建關總理水利臣汪澄德齡

親臨相度其議遂定建立斗門五碓心四閘九丈

雖上流暴水驟至不無阻束之虞而鹽邑斥鹵之患庶乎可免矣

上岡閘

縣治北四十五里上岡鎮原建申場河西岸今移東岸

草堰閘

縣治北七十五里草堰口雍正七年建至乾隆五年總理水利臣汪陸德齡移建劉端浦

壩

興文壩

縣治西門外三里永豐橋西南明天啟間知縣趙善鳴建今廢

堰同

岡門堰

自岡門至新河轉至侍其汶皆有古堰今廢

徑口堰

縣治西二十五里東臨運河西達馬鞍湖今廢

侍其汶堰

縣治西一百里旱則塞之以畜水潦則決之入射陽湖下海侍其汶今有可考相

傳油葫蘆港出口數里有

老鵝嘴即其處堰今廢

城也

捍海堰

治東一里許卽今所謂范公隄也宋史河渠志載楚州沿海舊有捍海堰東距大海北接

鹽城

表一百四十二里始自唐黠陟使李成寶所

建

進護民田屏蔽鹽竈其功甚大歷時既久頽圯

不存

至天聖改元范仲淹爲泰州西溪鹽官請於

朝

請四萬餘夫修築三旬畢工乾道八年提舉趙

伯昌

復請隨時修葺從之元詹士龍爲興化令修

築

明景泰三年知府邱陵委千戶馮祥主簿袁敬

重

修宏治間都御史張敷華委官陸本修嘉靖十

七

年縣丞胡鰲修萬歷十一年清河尚書凌雲翼

巡

按御史姚士觀巡鹽御史任養心會題委知縣

楊

瑞雲運判朱子春修建洩水涵洞水渠一十七

處

石閘一座十二年清撫楊一鵬委同知劉志斌

四

十三年知府詹士龍總辦既委知縣陳美修

朝

乾隆五年總理水利汪隆齡暨諸河道同時

鳩

工修築趾三丈二尺面一丈二尺高一丈

廣

惠礎縣治東門外三里舊捍海潮名白波淤宋淳

熙

間州教授劉煒攝邑事始發以磚石名廣

惠

礎紹興五年知縣徐挺之明洪武二

十

九年主簿蔡叔瑜兩次重修今廢

大通礎

縣治北門外三里明洪武間主簿蔡叔瑜建今廢

坊

原志無

鎮

伍佑場

縣東南三十里

便倉

縣東南四十里

大岡鎮

縣南六十里

秦南倉

縣西南五十里

岡門鎮

縣西八里

沙溝鎮

縣西九十里

丁馬堰

縣西北六十里

湖梁鎮

縣西北八十里

建陽鎮

縣西北三十里

安豐鎮

縣西北一百四十里

新興場

縣北八里

上岡鎮

縣北五十里

草堰口

縣北六十里

流均溝

唐橋鎮

縣西八十里郡志有縣志無

新河鎮

縣西五十里郡志有縣志無

莊

樓王莊

縣西五十里

北宋莊

縣西七十里

樓夏莊

縣西北八十里

收成莊

縣西北九十里

沙家莊

縣西北一百二十里

坊表

百里陽春坊

縣治南明初書縣令之有賢聲者

痛仰孤忠坊

新橋大街為宋陸丞相立狀元坊新橋北為宋武狀元朱同宗立

鹽濱賢才坊

中市橋書明代歷科登第及薦舉歲貢通顯者

步雲衢坊

為舉人楊清立

躍龍門坊

為舉人許貴立

世科坊

為舉人許陳謨立

騰蛟坊

為舉人吳世英立

進士坊

一在本城為藍郁立
一在沙溝鎮為萬雲鵬立以上俱廢

繼芳坊

為舉人蔣英立

攀桂坊

為舉人朱紳立

三思坊

樂民坊

淳化坊

以上並縣治前

崇文坊

儒學前

登俊坊

儒學右

長建坊

中市橋南

永福坊

中市橋北

通濟坊

昌明橋南

樂善坊

昌明橋北

崇真坊

祥輝觀東

起敬坊

靈應橋

澄清坊

察院前

節烈坊

一在中市橋明天順間為唐彥寔妻李氏建
今廢
一在新橋南明為劉存仁妻王氏建

今廢	一在八總明為樂環妻薛氏建	一在本
城八總	國朝雍正十二年為楊綱妻張氏建	
一在沙溝鎮雍正八年為劉閣士妻許氏建		一在
在丁馬壩雍正十年為凌包山妻王氏建		一在
大同鎮雍正十三年為郭怡妻卞氏建	一在樓	一在樓
王庄雍正間為王廣封女建	一在樓	一在樓
間為夏禹治妻劉氏建	一在西門外三里乾隆	
二年為徐元利妻韓氏建	一在上岡鎮南乾隆	
四年為王友薛妻王氏建	一在滕溝旁乾隆五	
年為潘兆晟妻陳氏建	一在小阜庄乾隆五	
為陳維垣		
妻吳氏建		

阜甯縣城

東西徑二百二十丈南北徑一百一十丈週七百一十二丈八尺計四里高二十餘尺門五東曰觀海南曰迎薰小南門曰定海西曰靖淮北曰拱辰門各有樓水門二敵臺五雉堞一千八百六十五垛

阜甯舊爲山陽之廟灣鎮一名廟子灣在射陽湖濱舊無城郭明嘉靖三十六年倭寇蟠踞燔燬民居浙江副總兵盧鏜率兵敗之三十八年又據四十八日漕撫議建城爲守禦計以乏資而寢萬歷十九年倭警益甚都御史陳于陞題設遊擊駐防二十一年又

增海防同知二十二年官民以無城爲患請于漕撫
李戴乃議于原任巡撫唐順之所畫基址築城跨運
鹽河于二十三年八月起工落成于次年二月日久
傾圯隨時修補

國朝順治十三年海防同知咸大猷勵志大修捐俸募
工并取贖鍰遂致重新城樓亦屢經焚燬十八年海
防同知張行生任內典史陸應祥捐修東門城樓康
熙七年後水潦頻仍樓傾垣圯大南門僅存其半餘
俱夷爲陂陀雍正十年析山陽鹽城爲阜甯縣卽以
此城爲治所乾隆四年知縣王連璧請過帑銀一萬

四千八百四十三兩一錢六分七厘二毫二絲修築
城垣於四年三月初六日開工至五年十一月十五
日告竣其城樓一項原估工料銀二千三百五十四
兩八錢九分五厘七毫乾隆十二年六月委知縣方
勵謙領帑承修於十三年二月告竣

附錄

望海樓在城上東北角遇倭警可以瞭視自後海漸
遠徙樓亦頽壞

城濠

城跨運鹽河因以爲濠外自會龍橋北行穿南水關

進城遶城隍廟左出北水關後遭河決北水關遂閉
關內有溝西行旋城角至戴家汪爲內濠自南水關
外往東環北轉西過弔橋爲外濠又開舊文渠西出
大浦入湖今渠已湮塞

街

大南門街

自迎薰門至上渡馬頭

小南門街

南穿小市稍灣至水巷

石牌坊街

東至大南門街西至謝溝橋

巡司街

自謝溝西至巡司棚門

浦橋街

魚市街西過浦橋至大營前

魚市街

東至巡司西至岳廟

東門街

東門內

府前街

縣前西至遊府右

部前街

中市樓北至西門

中市樓街

大南門至北門

東巷口

街通濟橋至鹽倉後欄門

鹽倉後街

西過大夫第至近河橋

西門街

西門橋至西營關帝廟前

馬頭街

真武廟東至會龍橋

下渡街

治東南過湖三里爲范公隄路

巷

龍王廟巷

謝家巷

崇家巷

有大小二巷

水巷

通渠巷

汪家巷

陳家巷

蕭家巷

西渡巷

堂子巷

姜家巷

馬家巷

密廠巷

周家巷

高家巷

戴家巷

東岳廟巷

河邊小巷
以上屬仁字坊

草巷

倉東巷

曲巷

三賢祠巷

姚家巷

郭家巷

南關巷

以上屬義字坊

施家巷

袁家巷

井巷

東城巷

胡家巷

直北巷

花園巷

靜菴巷

教場東巷

教場西巷

觀音菴巷

西城角巷

梅花巷

潘家巷

府西巷

部西巷

三岔巷

以上屬
禮字坊

李家巷

杜家巷

裴家巷

劉家巷

忠孝巷

以上屬
智字坊

新市巷

韓家巷

醃魚巷

千里巷

穆家巷

新河巷

周家巷

樂家巷

三官東巷

三官西巷

藥師巷
以上屬信字坊

市

鹽市

姚家巷口

大市

東巷口

小市

小南門外

魚市

密廠北

猪市

鹽倉後

驢市

大浦橋西及北門

草市

一在東門外一在鹽河邊一在關東

新豐市

會龍橋南

長安市

北大街

井

北門雙井

沙井北門外

關公井

城內關帝廟西

三官殿井

通濟橋東

東岳泉

東岳廟內

七星泉

雲梯關

橋

通濟橋

三官殿西跨鹽河康泉造

會龍橋

鹽河口劉翁造

東門橋

西門橋

北關橋

北門內

南關橋

南水關內

大浦橋

城西湖水入焉北通桑園溝

三賢橋

玉皇閣左昔爲磚橋今易以木

米橋

二浦南

二浦橋

西營關帝廟左通桑園溝

活水橋

二浦東

近河橋

三官殿東今廢

文武橋

小南門內守府署東

邵家橋

城東南

楊廠橋

旁即貯鹽之所

東港橋

城東陸家樓旁

董家橋

東野墩旁清淨巷後

太平橋

城北及窰西通洋汛要道

登文橋

西門內陶許巷左

敬兄橋

中市樓北

通關橋

城隍廟左通南北水關

石浦橋

城西五里郭氏建

九竈港橋

湖水入城北

獐溝橋

城東水通海洋西十里許有黃浦橋

豐賜橋

城北十八里水通界溝

三竈橋

三竈南去天賜場必由之路

辛蕩橋

辛家蕩西

西坎橋

汪家坎之西

黃土橋

城東北十餘里

梁河橋

梁子河

塗州橋

塗州溝

新溝橋

城西消各渠積水出湖

小新溝橋

西本庄

循良橋

新溝西五里

嚴家橋

唐村西五里

河堰橋

即新河堰大橋

潘岡橋

射子墩北去城十餘里

界溝橋

河界溝

魏家橋

馬梁寺西南

孫家橋

喻口東北

廣濟橋

沙浦

茆家橋

湖南魚深港東

羊寨石橋

北沙石橋

渡

上渡

上馬頭

下渡

下馬頭

中渡

新豐橋東南

西渡

關廳右

喻口渡

沙河渡

朦朧渡

對周家灣

郭家渡

朦朧河西

新河渡

距北沙里許

周門渡

往大飛集路

北沙渡

過河即佃湖

臨河渡

過河往繫牛嘴

關

海關

廟灣本無權政起於明萬歷間築城防倭土木煩費始議暫征間稅俟城工告竣即行停止及

城成而稅不除遂為額征昔有喻口委弁譴征繼

遷廟灣屬海防職掌康熙二十四年部議以海通

大洋出入客舟宜自內差督察於是欽差部司

滿漢二員徵收海稅駐上海縣而廟灣則通隸焉

雍正七年怡親王奏請就近易於查察歸并淮關管理

朦朧關

城南

喻口關

城西

小關

城北

雲梯關

黃河入海處

開

壩

堰

捍海堰

詳見鹽城縣堰下阜甯自湖南至新興界四十餘里恃此堰為障蔽

坊

仁字坊

謝溝西至大營

義字坊

大南門外至謝溝

城池

三

禮字坊

城內

智字坊

鹽市棚南

信字坊

合龍橋及通濟橋東

野字坊

董家橋墮近

鎮

北沙鎮

縣北四十里

朦朧鎮

喻口鎮

蘆浦鎮

集

周門集

陸家集

版湖集

新溝集

板溝集

徐家集

撒家集

邨莊舍寨舖等皆同

陳八舍北門外

半路邨

潘家莊

高莊豐登河南

祁莊登豐

後邨

洪家莊天賜溝

歸心莊城北三十里

馮家莊新墩

張家舍南北沙

沈村小關

唐邨

戴邨

劉十二邨

陳馬邨原名楊梅庄

史家莊

草澤

老隄頭

侍家塢

南羊寨

北羊寨

郭墅

許家莊

何邨
以上在唐邨西

邱家舍

山陽莊

三家莊
頭竈

李邨
七竈

徐家莊
九竈

十竈基

徐邨
三竈南

蒯劉邨
三竈後

嵇邨
天賜場

狗陳邨

余家莊

陸家莊
俱大套以「在城西北屬羊寨鄉

蕭家舍

查家舍

范家莊

石橋舖

俗名石
灰舖

戴家墅

萬家舍

張毛邨

史陸莊

俱在
新溝

殷莊

鄭家莊

岡劉邨

東季邨

西季邨

俱在雙
溝蕩

竈胡莊

岔頭邨

有十
三莊

團林

孫頭邨

領子巷

郭李莊

城西四
十里

岳家莊

新河堰

彭家莊

空獅臺

馬家舍

大陰莊

倪邨

高邨

曹家洼

蕭莊

板湖城西南五十里

崔家大莊

馬躲寺

李莊

葛邨

吉家邨

避賊邨

滕莊

盛莊

周莊

蔡邨

大高莊

盧家莊

以上在城西屬添差鄉

薛家墅

喻

戊子鋪

近孫家橋

王家莊

周邨

丹溝

賴劉莊

馬耳溝南

磚牆曹莊

吳家墅

上渡河南

崔家莊

卽崔家灣

劉莊

沙浦

崇家莊

新河南

施家莊

路邨

北陳庄

鄧家籠

顧家莊

孫家庄

戴家團

一作潭

柳林莊

大樹邨

唐家莊

隱山城北

劉團堡

一作牛團鋪

小洪庄

唐家營

沙缺口

草堰口

南陳莊

上彭莊

下彭莊

馬廩堡

姜家莊

顏家河口

養魚蕩

院道

作亂道誤

燕臺邨

卽燕臺墩

鐵徐莊

安吉寺南以上俱在湖南

糜家堰

董家莊

沙兒頭

陸家舍

卽陸家樓

許鰲邨

城東十五里

李顧邨

鷹眼墅

花家坎

花園頭

樂家灘

汪家坎

新溝頭

紀家鍋

以上在城東

坊表

騰蛟坊

上馬頭棚門北爲舉人劉袞立

孝子坊

大南門外郭家巷爲郭郊立

節婦坊

鹽市西爲金永順女立

清河縣城

土城三面周圍六里東西北三門

清河舊城在大清口宋咸淳九年淮東制置司李庭芝築元泰定初河決遷治所於河南岸甘羅故城至元十五年因兵亂復築土城縣志仍移河北卽今治所明末亦再遷甘羅城不久復歸故治今僅存土城三面雉堞樓櫓俱無

城濠

舊以小清河爲濠近南臨黃河城北別開護城河一道由中河涵洞進水

街

前街

治前一名十字街

後街

治後一名居仁街

平康街

治西

登瀛街

治東

橋東街

治東

倉前街

治西

巷

察院巷

治東

城隍廟巷

治東

倉巷

治西

關帝廟巷

治西

御史巷

治東

市

河南新市

在治前河南明正德間知府為招撫逃亡而設後以高堰築大水隄漲盡傾於湖

廟市口

治西

倉市口

治西

學前市

治東

橋口市

治東

井

如意菴前井

治西水最清冽

城隍廟東井

寺前井

馬神廟井

後街中井

儒學井

娘娘廟前井

橋

平康橋

治西

登瀛橋

治東

西門橋

治西三里

湯家澗橋

治北六十里

沙埠橋

治東南六十里

瓦子灘橋

治東三十里

霍山澗橋

治南九十里

石人溝橋

治西十里

爬泥橋

治北七十里官亭鎮南

棠梨溝橋

治北十里

洪澤橋

在古洪澤鎮久湮於水

搭連河橋

娘子莊

凌家橋

治西北十五里

夏家橋

治東北二十里

中河浮橋

一在治東青龍菴一在治西雙金閣一在王家營三橋俱因中河既開阻隔行路土

人好義者于各渡口建造橋以水漲則分船為渡水涸則聯船為橋行旅便之

七孔橋

一在汪家窪一在包家河

三孔橋

一夏家橋一馬麻橋一太山宮一火

星廟一浪石一屠家窪一子莊一王家莊以上十橋俱乾隆八年造

渡

縣前渡

治南半里

龍王廟渡

馬頭渡

治東七里

大河口渡

治東北十里

腰舖渡

吳城渡

駱家營渡

王家營渡

浪石渡

治北二十里

半邊店渡

夏家湖口渡

治西北二十五里

關

北關

清河舊無關稅今淮關於惠濟祠後與淮口大王廟前設立小關商船自南而北者過淮關納

稅至此驗票自北而南者至此登號抵關輪稅往來商賈號為北關

王家營關

淮關納稅至此驗票

張福口關

清河護鹽關

洪澤護鹽關

中河廣濟閘

清河舊無關稅既於淮口稽查船料名爲北關矣後因河水南衝張福莊

刷成水口北關部差又就近稽巡南販小商防其潛渡漸移踞河北更立小關及張福口水道既淤商船不能飛渡康熙二十八年復於中河廣濟閘設立小關查察商船稽稅之方愈密矣

閘

惠濟閘

馬頭司東南七里溝舊名通濟閘明嘉靖年建引淮水以達漕運後以河水南侵閘底淤

墊康熙二十三年新整漕河於迤南三里更建閘一座爲新運口閘名惠濟

通濟閘

正閘一座越閘一座在運口新挑河內惠濟閘下乾隆二年河院高題建

永濟閘

甘羅城南太山墩北與惠濟閘相望亦通漕運康熙三十四年新建

康濟閘

治東陶家庄右康熙廣濟閘治西仲家庄左康熙三十四年新建

康熙二十六年建舊

名仲家閘康熙三十四年改今名俱在中河

雙金門閘廣濟閘北鹽河內康熙三十四年新建

小閘雙金門閘北康熙三十四年新建新莊古閘治東北五里淮河東岸今廢

洪澤古閘凡三座在洪澤鎮宋魏勝運糧至洪澤出閘入淮卽此今湮廢

八里莊古閘凡三座與洪澤閘俱在古運河內運河壞平江伯陳瑄卽八里莊故道疏濬以

通舟楫今久湮廢新河古閘治東北三十里新河今廢

洩水閘一在中河南岸力家湖一在中河北岸孫家集乾隆八年建

福興閘見山陽諸閘下

壩

減水大壩在蔣家場王家營之間因河水衝刷北岸土弱易崩河院靳輔建立減水大壩北達

中河共長一百丈上造浮橋下通水道名雞心孔一百有三座

天妃壩

黃河東岸自惠濟祠起南接甘羅城乃黃淮

丈

東水三壩

河南新運口內因運口南接淮

水直瀉易溢乃於上流折流分流地面遞建三壩牧束水勢以利漕運

減水石壩

王家營舊減水石壩康熙三十九年閉而復開修收口寬三十丈

新減水石壩

王家營康熙四十五年建口寬五十丈

草壩

乾隆九年折去雙金閘改為草壩一在新開河頭對岸

御壩

縣前南岸挑水不得南侵

南壩

楊家莊頭

越河南壩北壩

頭壩二壩三壩

堰

境在隄工甚多別見河防此不具載

鎮

馬頭鎮

治東五里近淮陰故城之地舊為馬頭郡近設馬頭巡檢司

大河口舊鎮

治東北十里

吳城舊鎮

治西二十里宋紹興三年罷楚州吳城縣為鎮即此舊有東西二城今廢

魚溝鎮

治北四十里南北大路

浪石鎮

治北三十里舊浪石渡有水道通海為境內尾閘後以水流淤澱漸成沃壤其地北連海

溝南通王家營為過客腰站之地

王家營新鎮

治東北三十里與清江浦分河為界陸路入京此為孔道康熙二十七年大水

衝鎮知縣管鉅損費買地東遷里餘居民復聚

娘子莊舊鎮

治東北五十里舊傳鎮北五里許有鮑三娘梳粧樓故址乃金皇統間事未詳

城池

其寶

澗橋舊鎮

治北六十里

官亭舊鎮

治北九十里
舊名崇河集

洪澤舊鎮

治東南六十里
淮河東岸宋紹

興九年韓世忠伏兵洪澤鎮將殺金使卽此處舊設洪澤驛及巡檢司自黃水入淮淮溢入湖洪水泛漲全鎮俱沉水中舊時尙餘高阜數家今久無遺跡矣

老子山鎮

治西南一百里與盱泗接壤負山面湖有稻勝網罟之利魚鹽商販亦皆叢集近以

湖水僻不東注渰及山下阪田稻塍魚利皆失其舊矣

集

永興集

治東北八十里

新灘集

治北八十里俗稱小房子在舊官亭

鎮東

南

坊

登科坊

治西爲楊清立

進士坊

凡二一在清江浦爲石渠立一

在治西爲楊清立

朝陽鳴鳳坊

治前爲李通立

經元坊

治西爲章鑒立

雄飛坊

治東爲曹鎰立

奎光坊

治西爲蘇霑立

承美坊

治西爲段泰立

桂林坊

治西爲田總立

綏來坊

勸農坊

新市通衢坊

招商集賈坊

卽次懷資坊

淮北通衢坊

新市坊

以上七坊俱在河南新市今廢

安東縣城

高二丈四尺週三千四十六步計八里四分零東西
徑一千八十八步計三里零南北徑六百四十八步
計一里八分零門七東曰濱海又曰朝陽又曰賓日
西曰臨淮又曰迎淮南曰觀瀾又曰迎和北曰鎮漣
又曰拱宸西南隅曰泰安今閉南門稍西曰便益東
門稍南亦曰便益今閉水門一北門稍東城樓四雉
堞一千六百零四垛

安東在秦漢間已立爲縣嗣後或爲州或爲軍稱淮
北重地其建築城池必久然歲月實無可考舊志稱

漣水有大城東城二座相連止隔一濠又有西城頗遠百餘步各有城濠宋嘉熙四年知軍蕭均修葺開濬元初廢爲民居微存故址明宏治十五年知縣郭韶於舊基上增築土圍建更樓四座設門啟閉嘉靖三十八年倭寇蹂躪又疊遭水溢城廢萬歷八年知縣史選乘舟繞視壘土作隄二十六年知縣詹道溥議建磚城以工役繁鉅但因舊隄加築土城建四門樓三十六年知縣黃成章夾樹以柳泰昌元年巡鹽御史龍遇奇謂淮鹽分司駐縣具題請建磚城巡按御史王安舜具題催築俱未果天啟元年知縣劉君

聘以創建爲任于五年三月興工東門原在正東改
移吳方西門原在坤移酉方南門原在午移丙方文震
孟有修築城垣記崇禎十七年總兵
柏永馥與知縣林之平補砌女牆

國朝康熙七年九年大水地震城復圯至今尙未修築
濠河

三城舊濠久無遺跡天啟中知縣劉君聘于西澳濬
支河通西南門以爲商便疏通治河以洩潴水鑿渠
四繞以爲城固崇禎中總兵柏永馥倚運鹽河爲池
壘土爲欄馬墻于其內今經河決皆無遺跡北水關
外有民便河可洩城中積水然亦非城濠也

街

東市街

東門至東市口

西市街

西門至縣西

南門街

南門至東嶽廟

北門街

北門至東市街

中街

縣前

縣前街

屏牆南至城

前街

儒學前

龍王廟後街

青龍橋

中市街

分司左

化龍橋街

由橋至東市街

分司前街

十字街

縣西

城隍廟街

南抵城

後街

又名太平街縣北

三皇廟前街

廟前轉太平橋

澳河西街

郡志有縣志無

巷

東市巷

邱家巷

水巷

便益門至前街

草巷

魯家巷

雙橋東

文家巷

高家巷

東倉巷

西倉巷

張家巷

東灣市口

五聖廟巷

卜家巷

西市巷

縣西官巷

王家巷

劉家巷

分司西達于河

何家巷

分司後巷

蔣家巷

東市口大街

褚家巷

相家巷

陶家巷

糕子巷內

洪家巷

魯家巷內

糕子巷

東市口大街

黃家巷

興隆橋西

市

東門市

章化寺西

西門市

臨淮門內

南門市

北門市

東灣市

公館前

西灣市

治前東街

廟後市

化龍橋市

井

丹井

在縣丞署內相傳袁真君遺跡

應聘泉

治東北一里東坊洪武年陳御史鑿

時通領幣
聘故名

琉璃井
治北三十里金城鎮

龍潭
化龍橋側潭上
舊有亭今燬

橋

化龍橋
治東白鰲化龍處宋祥符間初建板橋明萬歷間鄉耆賈範等募修磚橋

東市橋
治東三百五十步舊名新橋元知州謝處信建洪武間重修

青龍橋
東門內小街
萬歷年造
白虎橋
大城坊萬歷年建今名磚橋

清平橋
治西半里舊名迎宣橋跨古大城西濠元季毀洪武初濬河通舟更今名後因泄水作土

西市橋
治北半里許洪武十九年訓術金勝建

文衡橋
在二賢祠前即澄清橋又名分司橋

中市橋
在分司後東通舒家池西通中澳河

太平橋

治北一里舊日無便宜橋三皇廟前崇禎

天甯橋

北門大街洪武三年知縣束贊建因近陳御史宅十七年改名繡衣橋正統間義民梁璧

重修

水關橋

北門外關外內通三澳河外通鹽河順治二年知縣李湛重修

浮橋

治北五里一十八步舊跨中漣河口道通海州元季廢洪武初改修為堰

張家莊橋

治北二十里

塌橋

治西三十里

夏家口橋

治北三十里

石墟橋

治東北二十里

利濟橋

治東北三十里阜民鎮

蘭墩河橋

治東北四十里

遏蠻河橋

治東北七十里

平旺河橋

治東北八十里

白洋河橋

治東北九十七里

鹽場河橋

治東北一百里

孟溝橋

治東三里

陳溪橋

治西北四十里

百子橋

龍王廟後西街大街

興隆橋

東門內章化寺西

雙橋

龍王廟東北

通衢橋

北門內水關東康熙中建

等仙橋

北門大街

渡

稽邨浦渡

治東七里

顏家河渡

治西三十里萬歷四十一年知

縣黃成章捐置官船一隻水手一名漕院陳薦添造一隻并募水手以便往來今廢

黃家渡

治南一百二十五步過河通府治舊為僻境明末總兵栢永襲鎮安東由此往來遂成大

道康熙中邑人朱以德造馬船二隻行人便之

五丈河渡

治東北二十五里萬歷四十一

年知縣黃成章置官船一隻水手一名今廢

五港口渡

治東北六十里萬歷四十一年

知縣黃成章置官
船一隻水手一名

古寨河渡 治西北七十里

淮河渡 在壩上巡檢司前今無

栽浦灣渡 治西北四十里

中河渡

鹽關渡

魯家渡 治東北四十里

梁家渡

平旺河渡

西河邵家渡

開家渡

孫家灣渡

上尖渡

支家口渡 治西十五里

關

雲梯關 去縣治一百二十里為黃淮入海之路

五港口護鹽關 舊設石閘後因議分黃導淮奉文拆毀以洩黃水入海縣志作白頭關二

在長樂鎮

鹽關 一在西門外中河東岸 一在塌橋西河

開府縣志皆無

北門石閘 北門外乾隆八年建

莞瀆石閘 莞瀆河頭乾隆九年建

壩

漣水壩 治東南二百五十三步吳元年將臣率舟師征進海西建

堰

浮堰 見浮橋註

箭幹坊 治西二里昔鄉人築以障水其直如

龍尾堦 治西二里許其地形長而直西大東

小二水夾流至東合而為一形似龍尾故名 大飛浦堰 長樂南鄉南北諒

劉邨浦堰

太平鄉等八里

四莊堰

長樂北鄉十餘里

新立堰

興安鄉等六里

紅橋堰

劉老澗西河夾流水

平旺河堰

長樂北鄉三十餘里

彭家堰

五港鎮尖上下八十餘里

裏麻埭

外麻埭

西大埭

店基埭

泥埭

沈家埭

高家埭

姜家埭

山家埭

賀家埭

金雞埭

磚井埭

闕家埭

傅家埭

趙採梁

譚家梁

東大梁

路

東路

西路

鎮

阜民鎮

治北三十里

五港鎮

治東北六十里過蠻河邊

大飛鎮

治東北八十五里

潮河鎮

治東北一百二十里迤裏河入海

岔廟鎮

治西北五十里

陳溪鎮

治西北六十里

金城鎮

治北三十里

長樂鎮

治北一百里與海州交畛

魚腸鎮

治東北一百三十里

墟安東集市最多郡縣志皆未之載縣志別載墟之一名古人謂集爲虛柳子厚詩所謂綠荷包飯趁虛人是也但此諸墟與今之集名迥別未知墟卽是集否

瓦墟

東瓦墟

西瓦墟

石墟

南張墟

北張墟

上團墟

下團墟

桑園墟

莊

郡志無此依縣志錄

官莊

張家莊

曹家莊

朱家樓莊

支家河莊

董家莊

曾家莊

高臺金莊

榆邨莊

練湖莊

劉家莊

尹家莊

陳家莊

趙家莊

喬家墩莊

潘家莊

五丈河馮莊

三里坊莊

七里河莊

席家莊

陳溪莊

葛家莊

黃家莊

翟嶽莊

瓦墟莊

錢家莊

管家莊

劉嶽莊

麻垛莊

邱家莊

北嶽莊

黃家嶽莊

古寨莊

丁家莊

梁家莊

二鋪唐莊

二鋪蕭莊

鹽河場莊

嶽上莊

吉家灘莊

徐家莊

貴溝莊

盧家莊

場榻莊

大坊屯莊

鮑家嘴莊

桑園莊

朱家莊

桃園莊

開家莊

古寨屯莊

薛家莊

張家莊

嵇邨莊

朱家莊

孫家莊

逢邨莊

穆家莊

夏家樓莊

北楊莊

塘田莊

劉邨莊

彭港莊

郭浦廟莊

顏家河莊

大飛莊

小飛莊

金城莊

喬蕩莊

大垛莊

連三莊

朱家溝莊

張家灣莊

義莊

小河口莊

小浦莊

賈家莊

繆家莊莊

郭家社莊

姚溝莊

淮子河莊

張網海口莊

慨港莊

陳湖莊

程家集莊

文家莊

侯家莊

畢家莊

劉家莊

鄆溝河莊

蓮花莊

窩莊

遇變莊

南朱集莊

北酒溝莊

平旺河莊

南酒溝莊

邱嶺莊

楊家莊

成子頭莊

朱家溝莊

吳家莊

袁家莊

南夏莊

北夏莊

牛李堰莊

季牛嘴莊

泗莊

楸塔莊

曹家墩左莊

陸家集莊

盤龍溝莊

王家嘴莊

花園莊

蒼院溝莊

岔廟莊

上尖蕩莊

白馬廟莊

孫家灣莊

汪家園莊

永豐莊

螃蟹港莊

紅橋莊

北頭關莊

小河口莊

上胡樓莊

下胡樓莊

楊家莊

二舖莊

陳師傅巷莊

虛空廟黃莊

羅家莊

蔣官營莊

張家浦莊

郭普廟莊

塔溝莊

欽溝營莊

下邨營莊

界首河莊

橫橋莊

坊表

登庸坊

治東爲舉
人羅拱立

登雲坊

東市街爲舉
人賈進立

觀光坊

治東為舉人羅寧立

進士坊

凡三 二在治東為羅寧張海立

一在治西為金連立

繡衣坊

凡二俱在東市街為賈進蘇慶立

冠英坊

治西為舉人蘇慶立

青雲坊

治東為舉人蓋鐸立

奮天池坊

木巷口為舉人李聰立

國寶坊

公館東為皇甫福立

躍龍門坊

水巷口東街為舉人薛悅立

鍾英坊

縣東為舉人王益謙立

青雲得路坊

儒學西為舉人嵇鋼立

司憲坊

公館前為刑部郎中王益謙立

登金榜坊

縣前為王益謙立

丹桂坊

治東為舉人徐進立

尚寶坊

縣前為羊可立立

宣化坊

譙樓前

化民坊

治東

成俗坊

治西

澄清坊

察院前

忠直梓里坊

縣前知縣劉君聘為唐人

王義方立

起鳳騰蛟坊

儒學左

興賢育才坊

儒學右

風化本源坊

儒學前

科甲名賢坊

縣前為歷科名賢立

墨池坊

縣前知縣余光祖立

仙佛名區方

縣前

冲虛真人坊

周一清墓前

化龍古蹟坊

化龍橋側

完節坊

十字街北崇禎十年為井田妻王氏

立

節孝坊

一在縣西南萬歷七年為朱志妻蘇

氏孝子朱繼緒朱曷立

一在城西四里康熙間

為徐貢妻孫氏立

一在縣前為節婦潘氏立

一在東門內為節婦石氏立

一在南門外姚家

巷為貞女戴大斌妻王氏立

一在西鄉為李光

淑妻胡氏立

一在西鄉為孫淑妻管氏立

一在南門外鹽市口為張仲妻金氏立

桃源縣城

高一丈五尺周圍三里門五東曰觀海西曰延暉南曰朝陽北曰拱極門各有樓小南門無名亦無樓瀉水洞三在西南北三門雉堞一千七十垛

桃源立縣近在元初築城在至元間亦久圯壞明正

德六年知縣李廷鵬築土城高一丈五尺正德志云高三丈天

啟志云高二丈今據桃源縣志及通志皆作一丈五尺周圍三里舊志皆作八里今亦依桃

源縣志及通志嘉靖二年知縣周佩建門樓四座十四年知

縣龍復禮重修設瀉水洞于三門年久傾圯萬歷十

九年知縣許璞重築土城周圍七百一十八丈高一

丈五尺底濶五丈頂濶二丈上加土垛一千三百五

十甎城門四座磚垛三十東西北各置甎水洞

郡志不載

嘉靖中周公建門樓龍公重修二事桃源縣志不載萬歷中許公重築上城事今按據諸志補錄詳脩

崇禎五年知縣龔興增築女牆高五尺砌磚堵口一

千七十

國朝順治十二年知縣鄭牧民復因龔令之舊添角樓

四座于四隅十六年開小南門以通生氣康熙六年

河決烟墩口水浸城址四面沙高五尺城內如井七

年地震城圯雉堞樓櫓無一存者十年就北門城基

築爲遙隄以捍黃流三十五年黃河決龍窩口漫溢

城垣淤墊濠塹所餘者僅土基尺餘而已

按郡志自明崇禎以

後城之興廢並未載及桃源縣志頗詳但亦至康熙十年築過隄一語而止此後未見重修歲月雍正十一年知縣睦文煥詳督院文有康熙三十五年河決龍窩口城垣被衝一事必康熙十年以後三十五年以前別有修築然後又被衝壞不然自七年地震以後城圯堵卸城樓無一存者三十五年又有何城可衝耶但郡縣兩志皆無可考不敢妄爲之說姑存疑以俟後人

乾隆元年知縣睦文

煥具詳各憲挑深土濠自八尺至一丈二尺不等面

寬三丈至五六丈不等底寬一丈五尺加高城垣自

一丈二尺至一丈五六尺不等頂寬二丈底寬五丈

重建城門高一丈五尺寬一丈六尺深一丈一尺上

蓋城樓三間高一丈寬一丈五尺深九尺東西南北

方位樓名俱仍舊制

城濠

明正德六年知縣李廷鵬鑿池深一丈嘉靖十四年知縣龍復禮設西南北三瀉水洞洩城中積水于濠逮後叠遭河決盡被湮淤水洞亦塞乾隆元年知縣哇文煥乃復掘濠土以培城開涵洞以洩水然後城池並復舊制矣

街

縣前街

縣南街

縣東街

學前街

察院前街

姚公街

西門內同知姚廷棟捐修故名

巷

郡縣志舊皆不載

市

古人稱市今人稱集後載各集頗多因不稱市故舊志於市下不載也

井

夫子廟井

嘉靖時生員朱勲建夫子廟于川城之顏家岡並鑿有井

川城井

水最甘冽

劉真君井

詳見古蹟

太平觀井

聖祖仁皇帝南巡駐宿觀中曾飲此泉

泰山集磚井

蓮花井

在白洋河鎮

橋

陳家莊橋

雍正七年知縣何鍾瑞承建

姜家窪橋

雍正七年知縣何鍾瑞承建

新橋

治北
十里

衆興集橋

雍正七年知
縣何鍾瑞建

衆興集南橋

許素
忠修

運河南岸橋

衆興
集

龍溝橋

衆興
集北

通濟橋

治北六
十里

崇亭橋

治東北
六十里

白龍橋

湯福
新建

孫家橋

毛家集東孫九
錫建橋九座

石版橋

川城
北

桑園里橋

史家
樓

張泗冲橋

治東
十里

赤哩湖橋

治北七
十里

崇河橋

治北四
十里

迎恩橋

治西北
數十步

五里橋

治南

蕭家橋

治南

裴家莊橋

凡二崇
禎中建

楊家莊橋

泰山集
凡二

唐家集橋

仁和集橋

卜家道口橋雍正七年知縣何鍾瑞建

古城橋

祝家窪橋

三岔木橋

朱家莊橋

沈家莊橋

來安集官路橋凡二雍正七年知縣

何鍾瑞
承建

老黃河天一橋白洋河

泰來橋教場

大成橋治西二里

耿家橋治西十五里

蔣溝橋治西北十里

東門橋城東門外

崔鎮橋治西北十二里

老官亭橋治北六十里

通集橋治西半里

渡

北門外黃河渡

同知姚廷棟捐造馬船一隻知縣陸文煥捐造馬船一隻又于每船立高

脚牌一面限定人數不許擁擠違者罪之

劉波澗渡

仁和集黃河渡

古城南岸渡

古城北岸渡

復古鎮渡

青墩渡

三岔黃河渡

三岔中河渡

黃家嘴渡

三義壩渡

石家渡

衆興運河渡

知縣陸文煥捐造馬船一隻

半路劉渡

七里溝運河渡

上渡口運河渡

程子河渡

河北渡

駱家渡

張泗冲渡

滿家灣渡

盧家渡

此渡爲南北要津盧廷玉廷璧兄弟同居設此義渡

關

三岔關

明時設有巡檢司查納桅封明未改移白洋河今仍設巡檢司管河務無關

洋河關

從三岔河改設船隻往來報納桅封今屬宿遷縣境

關

祥符石關

月河五瑞小關

滿家灣石關

凡五座

三義石關

支河壩石關

崔鎮石關

馬廠閘

壩

胡家莊壩

顏家莊壩

古城減水壩

徐昇壩

支河壩

烟墩口壩

礮嘴壩

九里岡壩

七里溝壩

三義壩

張家莊壩

談家壩

半路劉壩

魚鱗壩

季臺壩

三岔壩

竹絡壩

舊中河攔河壩

堰境內河工甚多別見河防此不具載

鎮

白洋河鎮

治西六十里宿遷接境商民叢集之所兩邑市民爭界構訟頻年不已天啟五年知

府朱祖舜斷從市橋中分橋東桃源橋西宿遷檄縣刊榜懸示通衢

崔鎮

治西北三十里

赤鯉湖鎮

治北八十里

張泗冲鎮

治東十里

三汊鎮

治東三十里

河北鎮

治北一里

老鶴汀

舊爲巨鎮後因孫家塘水衝遂廢

復古鎮

集

體仁集

永興集

治西南一里

丁市岡集

治西南四十里

穿城集

治北四十里

學城集

治北三十里

界頭集

岡陵集

安阜集

永安集

仁和集

衆興集

王家集

河頭集

里仁集

泰山集

川城集

史家樓集

唐家集

永豐集

至公集

古城集

來安集

遵化集

古八集

悅來集

三義集

沈家集

靈城集

古墩集

莊

華鋪邨

朱家莊

裴家莊

顏家莊

盛家莊

曹家莊

丁家莊

杜家莊

香子莊

劉挺莊

桑園里

久在莊

坊表

孝行坊

治南二十里
爲張佳兒立

孝行坊

治南五十里
爲朱仁立

進士坊

治前嘉靖中
爲胡思忠立

吳家坊

治南五十里
爲教諭吳勝立

貞壽坊

一在東門外乾隆二年知縣
周馮氏一百一十二歲立
一在南門外乾隆

二年知縣
朱曾氏一百一十一歲立
文煥爲壽婦

貞節坊

一在北門內爲生員陳舒泰祖母劉氏立
一在東門內爲盧宗禮妻陳氏立

司空大夫坊

治西爲胡
思忠立

興賢坊

儒學
前

騰蛟起鳳二坊

儒學
東西

宣化坊

阜民坊

俱在治前

澄清坊

察院前

迎恩坊

館驛前